

國聞週報

第四十二期

第二卷

中華民國十
四年十一月
一日出版



中華郵政局
特准掛號認
爲立券新聞
紙類

對影戲界的小貢獻	五天的工廠生活(小說)	蘇俄勞農界之最近進步	未來大戰之醞釀	歐洲債務之舊案重提	不是人吃的飯(小說)	如何解決中國內亂
心冷	S. K.	受百	公展	受百譯	詒蓀	王平陵


58 W/2183640



夫爾曼高使丹



澤芳使日



朗德施表代美

代 關
表 稅
之 會
一 議
部 各
分 國




思洛華使比



祺安畢使葡

戰雲籠罩之徐州



霸王樓




雲龍山

名人錄



蕭耀南

蕭耀南。號珩珊。五十二歲。湖北黃陂人。北洋武備學堂卒業。初入常備軍充隊官。後入北洋陸軍第三鎮爲營長。漸擢升。民國元年進至第十二標標統。兼第三鎮參謀長。特任第三鎮統制者。卽曹錕也。民國三年免兼職。民國五年袁世凱命曹征川。蕭爲充行軍總司令總參謀長。及司令部衛隊統領。及曹任直隸督軍。調爲直隸陸軍第三混成旅旅長。七年從曹征湘。九年皖直之戰。吳佩孚以爲直軍西路司令。戰後擢爲陸軍第二十五師師長。十年秋移師入鄂。得曹吳薦舉。繼王占元任湖北督軍。十二年十一月奉直戰後。繼吳任西湖巡閱使兼省長。十年奉直再戰。吳任爲後路援軍總司令。直軍既敗。乃表示擁段。改任湖北善後督辦兼省長。本月江浙事起。蕭復迎吳歸鄂。吳以爲副司令。



▲本週間東南戰事、雖無重大發展、但正當醞釀之際、關係甚重、故本期仍編專篇、紀敘其事、讀者細加揣摩或可得時局之真相、

▲歐洲各國因大戰關係、無不負債累累、因知兵戰之餘、未有不斲傷元氣者、以大喻小、可知國內之擾攘、實非國家人民之福也、

▲本期載有「如何解決中國的內亂」一文、為讀者所發表之意見、本報為公開輿論起見、極願讀者將宏論見賜、謹當分別刊布、

▲本期小說「五天的工廠生活」為S. K. 君實地經歷之寫真、讀之可知中國勞工界之情形也、惟篇幅過長、祇能分兩期登完、希讀者諒之、

第二卷
四十二期
國聞週報目錄
社評(六則)

直系之關稅會議主張	子寬
時局之感想與預言	政之
對於東南變化後之時局主張	誠夫
時局變化中之執政府與國民軍	慎予
江浙風雲之一觀察	心藏
調停	菱伯
未來大戰之醞釀	公展
歐洲債務之舊案重提	美國名記者西蒙士著 受百譯
蘇俄勞農界之最近進步	受百
國內外一週間大事記	公展
讀者論壇——如何解決中國的內亂	王平陵
家庭醫學常識	余愚
對影戲界的小貢獻	心冷
不是人吃的飯(小說)	詒蓀
五天的工廠生活(小說)	S. K.
海上新粧	心冷 文農

前期勘誤表

社評

直系之關稅會議主張

子寬

關稅會議。於直系猛烈反對聲中。居然成會。不可謂非幸事。直系之反對會議。吾人以其根本上實缺乏充分之理由。彼輩所持主張。以為關稅會議乃根據於華會議決案而召集。關稅自主。決不能由此會爭得。必待國內政治澄清之後。始可作如是主張。至時且不必待各國允許。逕可自動收回自之權。若使今日關稅會議開成。則非特將來收回關稅權之障礙。將且所增關稅。將流於不正當之用途。國內戰爭。益將靡已。是言也。吾人驟聞之下。多以為未始不無理由。然進而思維。則不覺大惑。終乃僅視為欺人之談而已。今試申論其故。以告讀者。關稅會議。其根據雖在於華會九國議決之協定。按照該協定原文。會議討論範圍。本不能涉及關稅自主權問題。然吾人皆知我國代表在該約議定之時。曾經保有保留案。聲明以後如有機會。當隨時提出關稅自主問題之討論。經各國代表承認。將聲明書附入約內。作為附件。是則此次關稅會議。不失為提議自主之一機會。各國勢不能固絕。且以事實言。各國今鑒于滬案以後中國民氣之激昂。對於此點。亦已表示相當容納。雖會議之結果。不可預料。但吾人於此機會。要不可輕易放過。且此事成功之遲速。胥視我國全國努力之程度。假使全國能集羣力以進行此問題。則會議之中。代表折衝樽俎。有實力為後援。決定關稅自主權收回之期。當亦可以提早。如此則吾人於關稅會議固且應努力以為代表之後盾。庸可根本反對此直系主張不當之點。一。關稅會議而後。收入增加之稅款。流於濫用。固為事實上或所不免。然吾人要知與關稅稅率增加一事。具有密切之關係者。不獨中央財政。且有全國之工商業。為防軍人多財為亂。固不宜增多稅款。然為工商業發展計。關稅稅率。則不能不望其增高。雖稅率增加。不能達保護稅之程度。但能增高一分。即減少國內工商界一分之苦痛。在此兩難情形之下。吾人當然應顧工商界。主張關稅會議舉行。至於關稅用途。自可另設他法以限制。之決不能因噎廢食。根本反對會議。使我商民永處於劣敗之地位。此直系主張不當之點。二。關稅完全自主。以事實論。自非待諸政治澄清而不可。然完全自主是一問題。在完全自主以前。應否為治標之策。是別一問題。果人人皆如直系之好亂。則不論籌款多少。皆可為治安之障礙。政治安定。且不可期。遑論澄清。如此而謂必待河清之後。始可進謀關稅。則其如全國工商業前途何。今直系之作如是主張。是直令吾民蒙永久無限之損失。守株待兔。不許略減其苦痛。是何可哉。是則又其主張不當之點。三。綜上三點。可知直系主張全屬大言欺世。毫無可取。故吾人以為無論如何。有關稅會議。總勝於無關稅會議。關稅稅率之略增。終勝於不增。苟政治澄清有日。可根本實行關稅自主。則今日關稅會議先謀治標。亦不與此結果無衝突不利之點。且商民究可先露確定之利益也。假使關會因反對而未成。將來何時我國始有重提關稅改

良問題之機會。吾恐無論何人皆不敢為担保之斷定也。再者近來報章傳言謂直系反對開稅會議之真意。實在乎不使敵黨得以稅款而增加其勢力與地位。未必誠為國家。此說為直系所不承。然不能謂非遠於事實。果直派係完全著眼於此。則是甯犧牲國家利益以殉私利。其賣國之罪。當更浮於欲利用稅款者之上矣。尙何以賣國賣人為哉。

時局之感

想與預言

政之

此往轍以行。明明應適可即止。而人人必自就於不可收拾之境。軍閥官僚固屬如此。政客名流亦復若是。馴至舉世皆苟且倖進淺薄庸妄之流。而所謂人類立身行己之德操。幾已不為人類所齒及。世界可悲之事。蓋莫逾於此。天下滔滔。充滿此類人物。宜乎十四年來國事迄無進步。吾人業報十數年。歲歲為此曹無聊人物作起居。厭苦之情。尤不可任。世界有人能對國事作澈底之改革。吾人誠馨香祝之。惜乎今世之人。均不足以語此。

十四年來政治上之紛擾多矣。前仆後繼。起伏循環。花樣雖多。精神則一。人物雖衆。能力略同。大抵工於巧飾。馳騁虛聲。退而在野則覺悟異常。得意登場則頑冥如舊。明明係失敗之途。而人人必循此往轍以行。明明應適可即止。而人人必自就於不可收拾之境。軍閥官僚固屬如此。政客名流亦復若是。馴至舉世皆苟且倖進淺薄庸妄之流。而所謂人類立身行己之德操。幾已不為人類所齒及。世界可悲之事。蓋莫逾於此。天下滔滔。充滿此類人物。宜乎十四年來國事迄無進步。吾人業報十數年。歲歲為此曹無聊人物作起居。厭苦之情。尤不可任。世界有人能對國事作澈底之改革。吾人誠馨香祝之。惜乎今世之人。均不足以語此。

往者曹氏當國。廝養柄政。弄兒擅權。賄進一案。騰笑中外。政變之起。理有必然。矧又窮兵益速其禍。此非倒曹者之力。曹氏自身所召致。執政制度合總統總理兩制為一。宜可指揮靈便。措施裕如。然而介於兩大之間。處境已備極艱苦。况又高拱白宮。難免於閉聽塞明。則應付之間。或少研求。輕重張弛。易失體要。齟齬之情。自所恆有。其在關外。則以戰勝之威。軍實之盛。所謂高明之家。鬼瞰其室。即令勉自謙抑。猶難逃各方之忌嫉。况乃驕矜之氣。每流露於不知不覺之中。妄誕橫行。時見之於假託招徠之

輩。怨毒所積。當局者固未嘗自知。而看事太輕。求進太急。尤為召侮賣怨之主因。緣自身之授人以隙。而孫傳芳乃得乘勢飛躍。斯固孫氏之善於投機。然特之過易。屢占便宜。亦非孫氏之福也。

今日中國人物。祇有此數。大抵尺有所短。寸有所長。雖有各不相下之心。實無籠罩全局之力。從前帝王時代。斫伐征誅。爭王定霸。其在今世則事實斷不容許。然民主國衆。依民意以定一尊者。在中國則民衆之力又未足以語此。因是之故。舊制既勢不能行。新法又力有未逮。遂令十四年來迭次循環。徒苦吾民。今之變局。仍不外此。以往推來。結果可知。恢復舊觀。殊覺無謂。蓋曹錕之當倒。賄選之應打。訴之良心。徵之理性。皆屬無可否認。是以打破現狀而別求進步。猶可言也。打破現狀而又開倒車。則十四年一再反覆。吾民實不願更見此境。

夫改造現狀。當重事實。今之實力。不外四部。一曰國民軍。二曰奉系。三曰直系。四曰西南。西南內幕複雜。內訌不已。衡諸全局。殊非重心。此外國民軍以新興之勢。有新勢力為之後援。苟不自殘。實不可侮。奉系在關內雖根基未固。在關外則修養已深。是以打擊之或非甚難。消滅之則斷非易易。直系雖曹錕毫無人望。不能再起。然吳佩孚之節操氣概。尙為一部分軍人信仰之中心。孫傳芳之智謀果勇。復為北洋軍閥後起之秀。一系中但有一二人才。其勢力即莫由消滅。直系前途。自非無望。然而奉直利害感情。均難復合。國民軍則思想歷史決非直系所可永久合作。夫三四實力派。既均無長久結合之可能。一時又無完全消滅之辦法。則任何事變。均難澈底。可以斷言。既已不能澈底。則終將出於協商。又不難推想。政權禪代。國所常有。立憲之國。尤為習見。惟外國之政權。因總選舉而轉移。中國之政權。因國內戰爭而更替。前者乃民衆之權威。後者係兵力之

表現。且因兵力之不能澈底。以致一年一變。小民受害。苦不堪言。今既國家大事。仍須有賴於協商。則明知不能澈底之戰爭。奈之何不力求減免。此種研究到底之打算。竊願明達之軍閥速自省悟也。(十月二十日北京)

對於東南變化 後之時局主張

誠夫

自東南時局變化之後。蟄居岳州之步佩孚。受直系軍人政客之德惠。復移駐武漢。稱聯軍總司令。計其標榜。則有討奉。倒段。護憲。恢復法統諸議。此四者。立名雖容有異致。而綜其實質。固自相關聯。換言之。不過冀圖推翻現政府之局面。回復一年以前之政象而已。顧從政治上觀察。一國之政治。恆應向前。而不應後退。宜逐漸變易。而不宜往復循環。今茲之役。吳氏能否成功。固尙不可知。惟此種回後退之政治趨勢。實無足以使人贊許之理。曩年直系當國。因賄選總統而引起宇內之訾議。因包辦憲法而失却國民之同情。浙奉與師。曹政府崩倒。臨時執政府。於焉繼起。段氏馬電。揭棄善後國民兩會議。爲臨時政府措置時局之步驟。國因民會議。方在籌備之中。成效如何。猶尙未知。此項會議之成敗。固足試驗現政府壽命之久暫。而在此會議未臻試驗期之前。現政府政策之成敗。實未能斷然決定。在此醞釀時期。從政治道德方面言。反對派儘可存傍靜觀。待其失敗。而後發動。不必於中途爲破壞之謀。是故孫傳芳吳佩孚之發動。與其所發之通電。殊乏強固之理由。奉軍入關後。行動固未能盡滿人意。但今日中國任何軍隊。只能謂某軍較某軍壞。殊不足言某軍較某軍優。謂奉軍措施。未盡合宜。則可。謂奉軍遜於孫軍。或未必盡然。楊宇霆鄭謙來蘇。謂其未有良績。則可。謂其尙劣於齊韓。則不可也。孫之通電。以救蘇民自詡。蘇人誠不乏予

以同情。但奉軍既自引退。而孫軍即長驅直入。侵佔各邑。未聞其能以蘇地拱手還諸蘇人。孫軍到甯之後。即由徐鼎康嚴令江南各縣解款。而大軍所過各地。供應之繁。更不可勝計。苟執路人而問之。孫軍來後與未來前孰安。必有能言之者。孫所標榜之驅奉救蘇。其義所在。殊多未能令人釋然。而自大局方面言。實祇能謂爲肇亂。不足語於有政治上之見解也。今鄂之吳蕭。固已響應。而謂其實力。便能盡驅關內之奉軍。則亦未能令人置信。吳氏雖以人格見稱。而至鄂之後。即標護憲之旗幟。曹政府時代賄選產生之憲法。有無護之價值。恐除賄選議員外。未能道其隻字。吳之地位。似深在直系軍人政客包圍之中。目標亦僅欲回復一年以前之狀況而止。此點實足令向來同情吳氏個人者。亦爲之失望。吾人主張國內政治。絕不宜呈後退之景象。吳孫行動。苟僅如此。不過使國內增一度擾亂。尙何政策之足云耶。

時局變化中 之執政府與 國民軍

慎予

軍閥私鬥。釀成內亂。民意所痛疾。國法所不容。使國家而猶未入混亂之狀態。尙有政府者。赫然臨於上。其必有一言以服天下之心。以明是非之判者。凜然大義。無可議也。顧自東南變色。荏苒旬旬。鑼鼓聲喧。人民失色。而謂政府獨能置若罔聞。其誰能信。顧政府於警報頻傳之際。除一紙空令祈禱和平。迄未有所表示。國家綱紀。蕩然無存。惹人非笑。亦固其宜。雖然直系諸將。今所表示者。爲反奉。反奉之後。必將進而解決中央政局。其事彰彰。而彼等口中。今日固猶以擁段掩天下人之耳目。至奉方則尤以擁段表示其一年來一貫之主張。其將進而要求段氏下一討伐之令。以張軍勢者。亦意中事。故此次事變。表面爲奉直之私鬥。而其歸宿。必將牽動

中央是則現政府本身之地位與處置事變之態度不能無相聯之關係。夫就現政府之地位言。當曹錕既倒。大法未立。國會不滿人望。黃陂任期已滿。天下洶洶。中樞無主。合肥蟄居津門。應時而出。其根據者為事實之需要。而非法律所產生。至就合肥與各省之關係言。則為各巨頭之擁戴。以收束善後為最大任務。初非個人覬覦權位。欲執中樞以驅使各省。現政府之能否有成。其重心不在政府之本身。而在各省軍人之是否有誠意。故事實上之需要如失。政府當道。固朝夕可以掛冠而去。絲毫無所牽累。不必以一紙文電。作政府威嚴之假面目。蓋法律不行於軍人。明明已失效也。再進而言之。各省果有人出而公然討段。則段甯可以旦夕去。正不必以一己供犧牲。尤不必與某省為封壘。蓋無各省以擁戴之使出。為段個人。正不必出也。至于下令討伐某某之說。論國法本應有斷然之態度。但直系不甘於段。既成公然之秘密。下令討伐。不特有盤踞中樞貪戀祿位之嫌。且事同報復。涉及個人恩怨。無以示人以廣大。此亦現政府地位使然也。總之。今日法律既已失效。中樞威權。寄于各省。各省軍人。倘不能翻然悔悟。則任令政府如何改組。變亂之無窮期。一也。

以共和國。而寄國家命運於軍人之身。固屬可恥。然今日時局一線之希望。實維軍人之轉移是視。今之摩拳擦掌而爭者。為奉為直。介其間而態度未明者。為國民軍。直系諸人。殘破之餘。兵力有限。苟無國民軍赤心相助。則其陣線將終於徐州。必不敢直下津浦。以冒險境。且論實力亦未遽能必勝也。奉方退出滬甯。猶以和平為言。國民軍不能一致。亦不肯遽出全力以爲一決。故以國民軍所處地位之重。進或可以旋轉危局。回復和平。即最低限度。亦可以使雙方有所瞻顧。戰事可以縮小。此國民軍唾手可得之業也。馮煥章近日態度之沉默。倘在斯歟。抑自國民軍本身利

害立論。捲入渦旋。亦屬無益有害。直系今所揭者為反奉。而內部意見。極為紛歧。馮即助直而倖勝。大敵既摧。而謂吳氏能忘榆關之大辱。終以相安三尺童叟。亦當不信。是則循環不已。未見其有所利也。況以中國幅員之大。欲置天下於一家之下。殆猶癡想。此則國內野心軍人所當惕悟者也。

(十月二十九日)

江浙風雲之一觀察

心藏

向者軍閥爭政。與師動衆。恆數年而一見。繼則年餘而一見。今則一年必一見。失意者飲恨鼠伏。待至一年之久。已忍無可忍。一若國中執政者。至多祇有一年之運。過年之期。即爲新陳代謝之機。此次時局不穩。謠傳數月。始於中州。繼於武漢。均無所成。政客術士。乃廣集杭州。聳以江浙利害之關鍵。動以先發制人之術。略孫傳芳遂終不能忍。而調兵遣將。而通電誓師矣。

名不正。則言不順。吾人觀於孫傳芳之通電。其所據以爲與師助衆之理由者。曰「永不駐兵之議。自我言之。當自我行之。」夫僅以上海一隅之得失。遽致陳師鞠旅。勞民傷財。且冀「當世賢豪。戮力同心。」隱然期望全國響應。牽入旋渦。言之不倫。莫此爲甚。且孫氏最大題目。即爲上海駐兵一事。今奉軍既已全退。無論其爲真心退讓。抑爲戰略所必要。而孫氏與師之對象。既已移除。宜可即此中止。何以尙須進駐蘇常。必求一戰。覆按通電宣言。豈不大戾。年來國內私鬥。雖屬軍閥之爭。權攘利者居多。而所標題目。尙多出之堂皇。若浙孫之通電。殊異其選也。

浙孫通電。後列敘奉軍販土搶劫等狀。自附於吊民伐罪之義。實則今日江浙人士之心理。方經去年兵燹之慘。厲對於擾民作惡者。固屬飲恨。而對於破壞和平。重苦吾民者。亦所反對。撫我者后。虐我者仇。彼販土搶掠。

固虐我矣。而殺人奪地。又何非虐我。孫氏果欲以開戰掠誘人民之同情心乎。則此舉恐將適得其反。

或有謂關民兩會開幕在即。不應發難者。不知以此責孫。實悖事理。蓋孫之所以出此。正爲欲破壞關民兩會而發。設果因之而發生阻礙。孫之目的。可謂已達一半。然而孫氏於此。亦有其大不利者。蓋今日國內私鬥。不僅應博國內輿論之贊助。且亦須得國際之同情感應。今當各國代表聯翩蒞止。冠裳畢集之際。竟以上海一隅之事。輕舉兵戎。出演中國特產之拿手好戲。於外人之前。是非曲直。在外人眼光中。瞭亮已極。而蘇楊於此。忽復師晉文退避三舍之故智。竟使外人同情集中於彼。則浙孫此次發難。雖或自以爲智者乘時。而實不知其失時之甚。竊爲智者之孫氏惜之也。

調停

菱伯

民國以來。武人專橫。軍閥互爲消長。地方無有甯日。中央政府。縱有彌亂之心。然實力毫無。難遂和平之願。不過每次戰事。醞釀期間。照例必須高張和平旗幟。從事疏解。雖明知無效。而此種敷衍式之官樣文章。又勢在必行。去年齊盧構兵。調人之奔走于滬甯滬杭道上者。更僕僕難數。其結果果能免于戰否耶。今茲浙孫與師楊邢不戰自退。直系將領。紛紛響應。公推吳佩孚爲總司令。督師討奉。不旬日而長江局勢已大異昔觀。一髮牽動全身。戰事方興未艾。中央于此時期中。又復大唱其和平之高調。此固政府之故智。久在吾人意料之中。不足怪也。惟就現勢而論。調停非絕對之不可能之事。此中關鍵。全視國民軍之態度爲轉移。國民軍如抱定和平宗旨。不援助任何方面。則奉直之實力。雖足以相抗拒。然勝負之數。則未敢斷言。故調停果能得法。使雙方利害不相衝突。則和平未始無望也。

直派此次倉卒出師。事前雖有聯絡。然其結合。是否穩固。各方面兵力是否可靠。餉械能否源源供給。均大有可以注意之價值。浙軍于動員後不及五日。即直抵南京。可謂神速已極。然此非戰之功也。楊邢自退耳。今浙奉兩軍相持于蚌埠。徐州之間。孫自當其正面。而以白寶山馬玉仁攻其東面。豫省則由岳維峻出師襲擊。以作環攻之勢。此原定計劃也。及今觀之。東路之白寶山已經敗退。奉軍且有進佔海州之說。西路之岳維峻又宣言中立。併未出一兵相助。可以拒奉者。只有孫傳芳正面之一軍。而吳蕭軍隊。不能由豫省直赴徐州。調遣既感不便。後援殊嫌薄弱。一旦奉軍由蘇之淮海直下揚州。則江南防務吃緊。聯軍後路堪虞。故爲聯軍計。奉張果能實踐退出蘇皖之宣言。則長江盡歸直派所有。此次出師爲不虛矣。更何必以成敗未定之數。窮兵黷武爲哉。至於奉張以國民軍態度不明。故對於京津及察綏一帶防務。未敢忽視。楊邢之退讓。與奉系之力主和平。非對於聯軍有所畏懼也。徒以受國民軍之牽制耳。張氏現方竭力謀與馮玉祥攜手。且願退出京津。表示誠意。使張馮之間。果能融洽。則奉軍必以全力對付聯軍。無論勝負未敢斷言。即調停恐亦乏策矣。再自利害方面言之。聯軍此次遠爾與師。其原因不外下列三點。一關會將予奉張以莫大之利益。二奉軍駐滬及松滬地盤之爭執。三楊宇霆擬剷除白馬鞏固奉系在蘇勢力。此均與浙孫關係重大。不能坐視者。故孫傳芳第一次通電。即以松滬永不駐兵爲言。今奉軍既自甘退讓。則二三兩問題。孫氏已占勝利。所未能解決之第一問題。儘可於休戰後從長計議。利害衝突已免除。奉方且表示讓步。吳馮之間。一時又未易合作。見機宜早。吾人甚盼浙孫之能見風轉舵。勿貽後悔也。以目前之局勢論。可以左右時局者。厥爲實力派之國民軍。故中央如果有調停之誠意。宜先疏通國民軍。使其勿爲左右袒。本和平之宗旨。爲武裝之調停。則雙方爲利害計。似不得不共趨于和平之一途。雖永久之和平難期。要目前之戰爭可以暫息耳。



未來大戰之醞釀

(十月二十二日至二十八日一週間之消息)

公展

自孫傳芳突然進兵而後。繼之以楊宇霆之離甯。姜登選之離蚌。皖軍佈防至宿州附近。浙閩軍由甯而浦而滁而至於明光蚌埠之間。蘇軍贛軍亦分道出兵。準備會攻徐州。浙閩蘇皖贛五省聯軍已演畢反奉之第一幕活劇。武漢之間。吳佩孚既已出馬。關外之張。亦斷然從事備戰。直奉再戰。其勢殆不可避免。而捍戰局樞紐之國民軍。則馮玉祥猶高唱和平。岳維峻亦力言保境。以兩人地位之重要。而竟無確切鮮明之表示。此實為各方所最系念者。第兩方大軍。雲集徐海蕭錫一帶。第二幕之武劇。不久又將展開。今姑撮集一週所聞。分別紀之如下。

(一) 楊姜去後之蘇皖形勢

十八十九兩日。楊宇霆北上。鄭謙離甯。江蘇幾無主宰。陳調元等公推白寶山任蘇軍總司令職。而白氏一時未能蒞甯。由陳代理。佈告數奉軍罪狀。謂發出師掃除餘氛。但蘇軍陳調元鄭俊彥兩師。大隊近始渡江。白寶山馬玉仁在江北徐海淮揚之間出兵。亦復遲滯。孫傳芳之浙閩軍。抵甯而後。即奉命渡江追擊奉軍。顧亦不如江南之朝暮千里。奉軍邢士廉部撤退時。烏衣中伏。損失甚大。初傳邢有自戕說。繼知不確。蓋邢猶率其殘部在徐海一帶也。是時皖軍倪朝榮馬祥斌等師旅亦通電響應。津浦路南段奉軍。不得不亟亟撤退守徐。聞在皖境張八嶺與浙軍有小接觸。即退蚌埠。孫傳芳知前鋒順利。二十二日乃渡江赴浦督師。並令蘇省趕籌

二百萬元。供北伐軍費。至蘇省軍民兩政。孫氏雖表示不願干涉。而一方委任陳調元為蘇軍總司令。一方勒張一磨出任蘇長。軍需供給。此後又惟蘇人自賴。齊燮元由日回國。對蘇亦謀活動。則蘇之為蘇。亦可知矣。

吾今當言皖局矣。皖將領既通電揭發保境安民。響應孫傳芳。倪朝榮即率所部第一旅二十二日抵泗州。逼姜離蚌。二十三日午。姜登選乘鐵甲砲車離蚌北上。通電辭職。督印交第二旅長馬祥斌保存。委倪朝榮代拆代行。由是蚌埠遂入聯軍手。浙軍前鋒北進。會同皖軍倪馬兩旅攻徐。初據聯軍消息。謂前鋒二十四日已過西寺坡。距徐州僅五站。與奉軍接觸在即。孫傳芳已於二十三日晨乘車抵滁州。二十四日進駐臨淮關督師。然甯垣來電。則孫氏迄今固尚在浦口。至皖局主持之人。孫傳芳初有委馬聯甲為皖軍總司令之說。而馬氏不洽人望。倪朝榮將任總司令。皖南王普亦不甘下人。而鄧如琢率贛軍三混成旅入皖。已於二十八日到安慶。吳炳湘乃交印於政務廳長離皖。奉執政府令查辦事件。鄧且在贛任贛皖聯軍總指揮。而方本仁則為兩軍總司令。是方鄧又眈眈逐逐於皖省。此後糾紛。正未可料也。

(二) 兩軍相峙之徐州

聯軍二十四日晚抵宿州。二十五晨步哨在宿州夾溝間與奉軍有小接觸。未幾即止。聞聯軍前鋒是日由宿州進抵福履集。而曹村三舖。夾溝鎮

一帶均有奉軍大隊駐紮。未可急進。據外人電訊。二十六七兩日。夾溝兩軍確有小衝突。奉軍猛烈衝鋒。聯軍不支。傷亡甚多。此所謂聯軍。大概係指皖軍蘇軍而言。蓋時閩軍先鋒隊僅於二十六日抵蚌埠。而大隊尚在滁州明光之間也。孫傳芳坐守浦鎮。部隊並未急進。一因津浦南段車少。運輸遲滯。一因鄂軍尚未出發。而豫岳更觀望不動。雅不欲再以一人之力衝鋒冒險。姑徐待他方之變化。以定進取之計。其所擬三路攻徐計畫。



如下。(一)右翼由宿遷方面進兵。歸白寶山馬玉仁兩部担任。該兩部已於二十六日集中宿遷。前鋒抵駱馬湖。(二)中路沿津浦路進兵。歸盧香亭謝鴻勳陳儀等部担任。以楊震東為先鋒隊。在夾溝與福履集間相持。(三)左翼由宿縣西面繞道永城。進攻徐州側面。歸皖軍及陳調元部等担任。現方從事後方布置。故前線一無劇戰。奉軍方面。則張宗昌已就直魯蘇皖防禦總司令職。二十一日偕孫宗先施從濱等到徐。調兵佈防。聞

徐州一帶已集中有七八萬人。均係張宗昌姜登選李景林張學良等部。亦分三路防守。東面在邳縣。西面(即隴海路)在碭山。南面(即津浦路)在宿州夾溝。張宗昌為總司令。姜登選為前敵總指揮。而楊宇霆與韓麟春亦將南下助守至附近徐州之隴海路。白寶山部已與奉軍接觸。奉軍邢士廉出偏師痛擊。二十六日由新安鎮前進。白部潰退。翌晨白由海州出走。海州遂為奉所佔領。自是而奉軍之海運乃益便利。徐州形勢亦益鞏固矣。白失海州以後。白部向板浦清江浦方面退却。清江浦乃大形吃緊。馬玉仁飛調駐揚第六旅赴清。駐甯陳調元鄭俊彥所部之第四十兩師同時亦封船開向江北堵防矣。

(三)奉方之防禦計畫

浙孫突然用兵。實為奉方所不料。事既爆發。始悟他方之必與孫有聯合。乃決定放棄蘇皖。縮短防線。以圖固守直魯。或更退而祇以全力守京奉路及榆關。第目前則向以徐州為最重要之防線也。張作霖一面竭力表示退讓和平。擁護政府之旨。派員與馮玉祥磋商合作。一面則以軍事緊急不得不為萬一之備。楊宇霆二十一日微明到津。午後出關。二十二日午後三時半抵奉。當晚開重要軍事會議。內容甚秘。奉天宣布戒嚴。即決派四師二混成旅入關。守京奉津浦兩路。吉黑兩省軍隊。如湯玉麟之一師。吳俊陞之十五旅。以及騎兵砲兵旅團。紛紛集中奉天。第六師重砲兵團已開拔運軍糧城。飛機隊八十架準備入關。一部分南下運濟。備張宗昌用。並擬以十師至十五師兵力。分十七梯隊應敵。姜登選韓麟春二十五日由徐北上。出關報告徐州濟南軍情。日內偕楊宇霆郭松齡南下指揮軍事。張宗昌則已奉委為第二方面軍長。在徐指揮。二十六日又返濟佈置後方。並收撫青島之渤海艦隊。任三十二旅旅長畢庶澄為總司

令。海圻艦長吳志馨專任副司令。遺缺委袁方喬接充。肇和艦更名澄和。艦長易趙梯崑。同安艦更名效安。艦長易潘士椿。永翔艦長易蕭樹梅。華甲艦長易胡旺溶。楚豫艦長易戴希彭。海軍陸戰隊兩團。由畢庶澄指令登岸。調遣濟徐助防。海圻各艦裝滿煤炭糧食。載奉軍數千分赴沿海各要區鞏固海防。由海州轉徐蓋奉方擬俟軍事佈置妥協。與國民軍聯絡就緒後。將請政府下討伐令。而張宗昌則已電請查辦孫傳芳。躍躍欲試矣。外傳張作霖任命八路司令。第一路自兼。第二路李景林。第三路張宗昌。第四路姜登選。第五路楊宇霆。第六路郭松齡。第七路張作相。第八路張學良。張自爲八路總司令。張學良兼前敵總指揮。吳俊陞關羽璽担任西北防赤俄。常蔭槐京奉路運輸總司令。李景林兼任後方警備司令。雖尚未證實。而奉方之準備調和不洽。即當出於一戰。固已萬無庸諱者矣。

(四)吳佩孚蒞鄂後之直系

聯軍既佔南京。直系武人政客。遂擁吳佩孚出馬。吳乃乘決川艦二十日離岳州。二十一日晨十時抵漢。迎者不可勝紀。吳語外報記者。主張護憲。依法律解決一切。反對關稅會議。謂驅奉軍出關。可以不戰而定。本人受浙閩蘇皖贛鄂湘川黔豫陝直魯晉十四省推戴。不得不出任艱鉅云云。依然當年言大而誇之口脛。吳抵漢後。設討賊聯軍司令部於查家墩。通電就總司令職。委任八處處長如下。參謀蔣百里。祕書張其煌。政務白堅武。營務張福來。副趙榮華。機要劉夢庚。外交張志潭。交通高恩洪。副官余際唐。嗣又取消交通處。改任高爲交通總司令。而添設財政處。以張英華爲處長。並擬以章炳麟爲總參贊。而章堅辭。廿一日晚。吳召集重要軍事會議。決抽調一師兩混旅會攻徐州。任蕭耀南爲聯軍副司令。寇英傑爲鄂軍第一路司令。陳嘉謨第二路司令。盧金山第三路司令。馬濟爲桂軍

第一路司令。楊森爲川軍第一路司令。袁祖銘爲川黔討賊聯軍總司令。鄧錫侯副司令。兼四川聯軍第二路總司令。劉湘爲川黔聯軍後方籌備總司令。劉存厚爲四川聯軍後援軍總司令。賴心輝爲四川聯軍第三路總司令。王天培爲貴州討賊聯軍第一路總司令。彭漢章二路司令。周西成三路司令。觀其措施。依然當年北京登壇拜將神氣。鄂軍固已紛紛準備開拔。而外傳已逾武勝關而北。實則不確。蓋宜昌以上各軍。如宋大霈于學忠等部。則尙須俟決川濬蜀兩艦二十六日開赴宜昌。運載赴漢。而岳維峻表示中立。樊鍾秀又嚴拒客軍。即寇陳等師。一時亦未便入豫。加以軍餉無着。正向武漢商界籌借二百萬。而祇半數有望。又爲委派官職。與蕭發生意見。吳之處境。蓋亦甚窘。適孫傳芳迭電請吳蒞甯主持。吳遂有十一月二日由

韓 麟 春



陳嘉謨部護衛東下之說。今後戰局之開展。當在吳氏入豫或赴甯實現以後。設吳仍逗留武漢。鄂軍又並不開拔。則他方自多準備。縱橫捭闔之結果。形勢如何。正未可料也。

今日昌言反奉。通電擁吳。當然爲最能順應潮流之俊傑。蘇皖軍之響應。浙孫無論矣。贛省則方本仁擬編五混成旅。加入聯軍。由鄧如琢統率入皖。鄧二十二日就皖贛聯軍總指揮職。而方則任總司令。二十七日。方本仁到潯。偕鄧如琢拜謁英日兩領事後。鄧乘小輪往湖口檢兵。調第二旅

出發赴皖。閩省周蔭人二十一日開軍事會議結果。決定十日內率隊赴浙省。務交李生春代理。馬江軍艦二十日有四艘開往吳淞。但孟昭月在杭語人。初出師時。孫傳芳確電周蔭人援浙。嗣以南京攻下。孫則去電。囑毋庸來浙。閩軍可以暫駐浙邊。而二十七日閩訊。亦謂周因聯軍連戰皆捷。已決不出兵。移師肅清內亂。電召蘇挺孔昭同到省。面授機宜。是周氏率部入浙之舉。蓋已作罷。實則閩局亦不容周之輕易一走也。

直系既有復活之動機。齊燮元與吳景濂二十二日乃由日乘船到滬。齊即於二十三日赴甯。渡江晤孫傳芳。謀任蘇軍總司令。而孫對齊微有不滿。齊乃於二十五日離甯。溯江而上。二十七日到漢。將與吳佩孚有所計畫。不知去年調促齊氏之吳將軍。今年態度果如何也。吳景濂則大唱護憲。以與武漢舊議員相呼應。旅滬議員亦以吳佩孚

張 福 來



通電銜中列省參衆兩院名義。欣欣然有得色。發出兩電。向孫祝捷。請吳護法。一若孫吳舉兵。即爲彼輩恢復『鐵飯碗』者。曾不知人間有羞恥事。然吳氏答東方社記者之問。謂憲法及國會十二年制應改正之點甚多。雖復活亦屬徒然。而唐紹儀又聲明不贊成復舊國會。章太炎亦反對賄選分子。彼輩好夢。正恐如鏡花水月耳。最不可解者。爲廣東國民政府之態度。去年孫中山聯段張以倒直系。北

上謀真正和平。而齊志以歿。國民黨認爲段張所阻。固也。但按二十四日所發佈之宣言。謂先總理主張解決時局方策。爲段祺瑞張作霖所阻碍。張賣國殃民。段則依附張圖存。此際長江戰起。本黨努力使應戰之一方集於國民革命旗幟下。爲國家民衆及利益而奮鬥云云。則依然不脫利用他系勢力之舊思想。殊不知孫傳芳出兵。即以嚴禁共產爲言。吳佩孚出山。又以反對共產相標榜。其心目所注。無非欲俟直系對奉而後。再以餘力平粵耳。國民政府奈之何勿思耶。

(五) 國民軍態度與和平運動

奉直既成相峙之局。其舉足重輕者。當然爲國民軍。雙方均欲聯國民軍以自重。以博勝利。而國民軍之馮岳。則故意鎮靜。以中立和平爲言。此真令直奉雙方所提心弔胆而又不取奈何者也。執政政府既請馮玉祥調停。十八日馮乃電奉張浙孫勸和。然詞多空洞。二十日段又派鄧漢祥赴包頭。磋商鎮威國民兩軍維持長江以北和平辦法。薛篤弼二十三日回京。轉達馮氏意見。始終維持和平。擁護政府。馮對黃郛表示。國民軍擁護執政。早有成約。對段決全力維持。本人始終和平。盡力拱衛京畿。其對張作霖。則二十一日電。謂惟盼和平救民。中原之事。祈先努力。敵部在京。可歸兄調遣。詞頗滑稽。郭瀛洲二十三日夜由包頭回京。即電告張作霖。謂馮誠懇表示。願始終合作。二十四日鹿鍾麟等宴郭。又擬組東北西北聯合辦事處。一若兩軍固真能携手者。報載包頭會議。馮已決守中立。必要時正式宣布。西北軍要人述馮態度。亦謂馮決中立。不袒何方。如有軍隊侵入所部防地。當以武力制止。並電岳維峻孫岳。客軍一概不許通過。必要時武裝調停。馮又派張樹聲二十五日過京赴奉答聘。磋商合作。張作霖爲磋商具體辦法計。廿七日又派郭瀛洲于國翰入京。轉赴包頭。雙方信

使往還。較前頓熱。且張又擬與馮會商雙方撤兵。奉方撤保定大名奉軍。馮方撤退長辛店國民軍。表示攜手誠意。張更電會毓雋。謂奉軍駐廊坊。原為保護京奉交通。近聞國民軍進駐黃土坡。但對奉未能諒解。請代疏通。如不相諒。奉軍亦可東撤。則奉張對馮之力示退讓。可謂已達極點。無非希冀國民軍之勿與奉為敵。而合作以定大局耳。顧馮則一方宣佈中立空氣。一方兩面各有使者函電往還。以俟雙方之決鬥疲敵。而坐收漁人之利。觀其致鄂蕭之電。有「奉張派員四出。冀施離間。其代表郭瀛洲來包。明為乞援。暗探軍情。以地位時機兩種關係。不得不迭與周旋。以為穩敵之計」等語。馮之為馮。從可知矣。

國民軍之領袖。馮居其首。而岳維峻次之。孫岳又次之。顧今日則岳維峻以豫省地位關係。舉動亦殊關重要。夫豫省所苦。兵多無餉。政府既決月協餉三十萬。由馬驤赴豫與岳接洽。第一批款即日匯出。馬回汴後。擬勸岳發通電。勸雙方和解。并聲明維持中央政府。倘他方破壞河南治安。國民軍當保境自衛。加以吳佩孚有率兵赴鄭回洛說。岳維峻當然不甚融洽。而豫軍內部複雜。吳佩孚舊部如陳文釗王為蔚等師旅。自必出於一戰。謂岳本人亦願為吳盡力。或恐未必其復章太炎之電。謂「請拭目俟之。當知維峻之為何如人」。妙語解頤。誠令人不可捉摸。迨馮玉祥標榜中立。而岳遂亦以保境中立為言。雖調兵佈防。意在自衛。二十七日。岳電李景林。決不許鄂軍假道。其意無異宣布中立。觀於鄂軍之逡巡不敢入豫。而吳佩孚之將變計東下。則其言亦較有可信者也。惟電通社北京二十六日電。謂馮玉祥岳維峻孫岳。電段執政。請飭奉軍撤回關外。果爾。則國民軍所謂武裝調停之目的。即在此乎。

段政府處此時局。平昔又素主和平。當然祇有力謀和解。參政院二十三

日開會。議決通電勸和。段擬開一和平會議。派趙爾巽赴奉。王士珍赴長江。黃郛赴張家口。徵求意見。五新機關要人。二十五日晚在林宅邀奉馮兩方代表及長江各省代表。磋商調和時局。二十七日。梁士詒宅會議以後。又決先電請張作霖馮玉祥岳維峻各派代表兩人入京。磋商共維和平。並由王士珍趙爾巽致電張作霖吳佩孚。請釋爭言。好段並擬於一星期內如無調停希望。惟有引咎告退。蓋直以去就爭和平矣。勸和聲中有徐樹錚之兩電。勸奉軍退保關外三省。殊可生目。照錄如下。

奉軍師長



廉士邢

(一)致楊宇霆電。王省長岷源兄轉盛京總參議楊鄉葛兄鑒。昨致雨帥巧電。諒經邀閱。頃思此事源委。由鄉葛督蘇而起。鄉葛向來盛氣。必不甘罷。但年來事局曲直。得與天下論之。請隣兄平氣聽之。去歲鄰兄輔助雨帥。與曹吳為敵。聲明擁段。弟以合肥國家人望。當戴之以為國行政。不當擁為己私。易此者不敗。即倖而勝。其禍尤鉅。曾與雨帥切言之。鄰兄親聽之。岷源兄可證。弟到津。又向合肥痛陳。故事起之初。合肥并無一言。嗣

見奉軍危急。始稍露袒奉語氣。榆關之役。使馮煥章兄坐視不動。則奉軍作戰結局。誠不忍言。事後論公論私。在奉應如何酬報。乃毫末位置。俾無駐足之區。斟酌理。豈可謂平。後此煥章移紮。兄乃志得意滿。遇事憑陵。凡有要求。到京則言雨帥意在必得。到奉則言芝老堅執。弟目睹公文印呈中。有奉張總司令面諭照辦。特此舌報等語。且明令竟施之督軍省長。即陸軍總長。亦掛奉軍第幾軍名義。兄且以奉軍總參議。遙領江蘇重鎮。試問成何政體。圖博雨帥歡心。而不問天下後世。議雨帥為何如人。以雨帥待兄之厚。而兄輔之若此。愛人以德之謂何。良可歎矣。八月三十日。兄督辦令下。京友專電見告。謂如此權利平分。可慶相安。第覆謂正恐不平不安。從此多事。不謂不幸言中。如此之速也。奉省兵力。兄所明知。匪多財困。躡後有人。千里作戰。何能持久。果仍一意南圖。

蘇奉軍接觸後之烏衣 (大 陸 報 攝)



奉軍 邢士 廉部 撤退 時與 蘇軍 陳調 元部 在烏 衣接 觸此 圖上 幅為 戰後 紅會 收屍 狀況 下幅 則烏 衣戰 後之 狀況 也

不出數月。必有大亂。一旦士崩瓦解。不可收拾。兄縱不為雨帥惜。獨不為奉天桑梓計乎。兄今日當為雨帥策萬全。不可私逞意氣。妄動干戈。江南之地。固不必爭。江北之地。亦不必爭。宜勸雨帥力持三省。全力修德行義。以待天下之歸心。兄不患無開府兼圻之日。正不必急急今日也。岷兄素明大局。不規鄰葛之失。責備賢者。不為無咎。鄙言是否。仍請妥商。弟已電請芝老。關涉奉局諸事。務采岷兄意見矣。樹鐸養。

(二)致張作相、吳俊陞、盛京齊齊哈爾吉林探投張督辦輔臣吳督辦與權鑒。昨致雨權巧電。諒經台閱。頃思此事由鄰葛督辦而起。已剖述利害。電隣葛勿逞意氣。三省之事。兩兄熟知。若保養全力。以待後圖。來日方長。前途無量。倘逞意氣。則入於困戰。奉軍盡失所長。再輕挫敗。奉事何以善後。大局益無根蒂。兩兄素能持重。盼與雨

帥安計之。兩帥爲擁戴合肥中堅。奉事卽大局之事。故弟不憚多言之。答希並諒察。樹錚養。

(六)雙方實力之一斑

直系方面發難之浙軍(包含孫傳芳部閩軍)實力。上期本報已有刊載。今錄響應各省軍隊於下。

(一)江蘇 江蘇陸軍第一師。白寶山。原駐海州。

江蘇陸軍第三師。馬玉仁。原駐淮揚。

江蘇陸軍第四師。陳調元。原駐南京。

近畿陸軍第十師。鄭俊彥。駐南京(盧永祥舊部)。

江蘇陸軍第一混成旅。楊廣和。駐高郵寶應。

江蘇陸軍第二混成旅。李啓佑。駐宿遷泗陽(臧楊舊部)。

江蘇陸軍第十六混成旅。旅長張仁奎。兼通海鎮守使。駐通州。

江蘇省防軍第一旅。旅長張中立。駐泰州。(吳恆璦舊部第四混成旅)。

(二)安徽 安徽陸軍第一旅。倪朝榮。(皖北)。

安徽陸軍第二旅。馬祥斌。(皖北)。

安徽陸軍第三旅。王普。(皖南)。

安徽陸軍第四旅。高世讀。(皖北)。

安徽陸軍第五旅。華鐸章。(皖北)。

(三)江西 江西陸軍第一師。唐福山。

江西陸軍第二師。蔣鎮臣。(原江西第一旅旅長)。

江西陸軍第三師。師長馮紹閔。(原蔡成勛一師旅長)。

(四)福建

中央陸軍第一師。師長鄧如琢。(原陸軍第九混成旅)。

滇軍第一師。楊池生。

滇軍第二師。楊如軒。

山東第一混成旅。劉寶題。

陸軍第九混成旅。李鴻程。

贛軍補充旅。賴世璜。

省防炮兵營。丁寶中。

福建陸軍第一師。張毅。(漳屬)。

福建陸軍第三師。李鳳翔。(龍汀)。

近畿陸軍第十二師。周蔭人。(省垣)。

建福陸軍第一旅。郭鳳鳴。(沙縣)。

福建陸軍第二旅。董子良。(永泰)。

福建陸軍第三旅。馬克常。(閩北)。

陸軍第十一混成旅。王祺。(福甯)。

陸軍第二十九混成旅。孔昭同。(泉屬)。

陸軍第三十混成旅。蘇挺。(閩北)。

福建陸軍第二十三旅。李生春。(省垣)。

福建陸軍第二十四旅。未詳。(閩北)。

陸軍補充旅。蔣啓鳳。(閩北)。

陸軍第一獨立團。陳樂標。(尤溪)。

陸軍第二獨立團。未詳。(尤溪)。

衛隊第一團。未詳。(省垣督署)。

衛隊第二團。未詳。(省垣督署)。

此外尚有張慶昶之第四旅，已由閩入浙。尤溪盧興邦部、永春吳威部、安溪陳國耀陳錚部、同安葉定國部，均係民軍，不受周蔭人所節制。

(五)湖北 湖北暫編陸軍第一師 寇英傑

湖北暫編陸軍第二師 劉佐龍(前第四混成旅)

中央陸軍第八師 劉建章

中央陸軍十八師 盧金山

中央陸軍二十五師 陳嘉謨

中央陸軍第五師 張聯陞

中央陸軍第七師 王都慶(前二十一旅)

湖北陸軍第一混成旅 孫建業

湖北陸軍第二混成旅 夏斗寅

湖北陸軍第三混成旅 宋大霈

中央陸軍十八混成旅 于學忠

湖北補充旅 未詳

湖北警備隊 陸雲

湖北憲兵營 勞炯光

漢口巡防營 杜錫鈞

奉系方面。前駐江南之邢士廉部第二十師。丁喜春部第八師。朱棟臣部第三十一混成旅。退兵時間有被繳械者。所餘當有一師一旅之譜。此外奉系省分之軍隊錄誌如下(惟東三省軍隊編制或有變更。數額當相去不遠)。

(一)東三省陸軍二十九師 吳俊陞

陸軍第二旅 郭松齡

陸軍第四旅 裴春生

陸軍第五旅 于芷山

陸軍第六旅 宋九齡

陸軍第七旅 湯玉麟

陸軍第九旅 陳玉崑

陸軍第十旅 于深微

陸軍第十一旅 巴英額

陸軍第十二旅 趙恩臻

陸軍第十三旅 吉興

陸軍第十四旅 楊德生

陸軍十五旅 萬福麟

陸軍十六旅 齊恩銘

陸軍十七旅 張明九

陸軍十八旅 張煥相

陸軍十九旅 高維岳

陸軍二十旅 楊遇春

陸軍二十一旅 李振聲

陸軍二十二旅 石眉峯

陸軍念六旅 李桂林

陸軍二十七旅 溫贊玉

騎一旅 程春

騎二旅 張奎武

騎三旅 蘇錫麟

騎四旅。彭金山。
騎五旅。陸輔陞。
炮一團。吳泰來。
炮三團。孟昭田。
炮四團。鄒作華。
補充旅。張九卿。

除此之外。近又新編八旅。共有三十八旅之多。

(二)山東 第一軍第三旅。褚玉璞。

第一軍第二十八旅。程國瑞。

第一軍第二十九旅。許琨。

第一軍第三十二旅。畢庶澄。

第一軍衛隊旅。方永昌。

第一梯隊。聶嘉火(俄人)。

第二梯隊。姚霽。

第一軍補元團。滕殿英。

第一軍炮兵團。林泰。

第一軍丁兵團。王砥州。

第一軍騎兵團。吳井。

此項奉軍編制。一旅有三團。一團有三營。一營有四連。每連足有一百三十人。每旅均附有砲兵一營。機關槍隊一連。迫擊砲兩連。總計約六千餘人。

(三)直隸 直隸陸軍第一師。李爽塏。(一師有三旅)

鎮威第三軍。張學良。(約一混成旅)

直隸第二混成旅。馬瑞雲。(一旅有三團)

直隸第三混成旅。張憲。(一旅有三團)

陸軍第十五混成旅。王允恭。

暫編第一混成旅。徐永昌。

暫編第二混成旅。龐煥助。

暫編第三混成旅。劉森。

直隸第四警備隊。譚慶林。

▲孫傳芳擁吳佩孚電。各報館均鑒。頃上吳上將軍子玉號電。文曰。萬急。漢口探投吳大帥鈞鑒。自國政不綱。匪禍再熾。梟桀勢乘。籠壓中樞。以挾令之謀。行吞噬之實。先據直魯。復佔皖蘇。既定必及豫贛。豫贛既得。又圖鄂浙。勢所必至。路人皆知。凡奉軍所至。供億煩苛。騷擾苛毒。士民愁呈訴無門。任其逞欲。民且不存。何有於國。傳芳等職守疆土。保民衛國。是其專責。憤無可忍。義無可辭。共結聯軍。誓除殘暴。特設計賊聯軍總司令一職。推公任之。惻察鑒於閭閻。微管憂夫左難。望深於免冒。事等於秉旄。敬請東山再起。刻日就職。以慰羣情。除暴安民。崇揆守法。執轡環向。趨步是瞻。攬轡幡然。澄清合睹。謹布丹忱。不勝祈祝等語。謹此電聞。佇候明教。孫傳芳。蕭耀南。周蔭人。岳維峻。孫岳。方本仁。楊森。鄧錫侯。袁祖銘。劉存厚。王天培。周西成。彭漢章。白寶山。馬玉仁。陳調元。鄭俊彥。朱熙。張仁奎。王普。靳雲鶚叩號。

(七)直系討奉擁吳電錄要

▲吳佩孚到漢前通電。各報館均鑒。佩孚半生戎馬。退居江湖。竊幸得息子肩。長安太平之民。於願斯慰。乃自奉軍深入。周歲以來。政象日非。爭攘益烈。塗炭生靈。傾危邦國。義憤所激。薄海同仇。邇者杭州孫馨帥聯合

各省與師討奉。迭接來電，堅請速行東下。以便會師徐州。福建周樞督亦電稱：此次討奉戰役，戮力同心，義無返顧。誓統全部師旅，惟吾帥之命是從。赴湯蹈火，在所不辭。懇隨時指示機宜，俾資循率。湖北蕭珩帥及湖北將領全體電稱：此次共伸大義，爲國鋤奸，欲動人心，首資號召。況且數省聯軍，尤賴有人指導，擬請鈞座出山，共定國難。爲此聯銜敦請，尙乞早日命駕各等語。佩孚辱承各省將帥爲民請命，以大義相責，救國鋤奸，寧忍袖手，茲定於十月二十一日到漢，隨同諸袍澤匡扶國難，共策澄清，以民意爲從違。納羣倫於軌物，苟利國家，不計其他。謹先電聞，佇候明教。吳佩孚叩效。

▲吳佩孚就總司令電 各報館均鑒：佩孚受各省軍民長官及各界推戴，辭不獲已，謹於十月念一日在漢就討賊聯軍總司令職。時艱任重，尙冀海內賢達宏賜箴言，用匡不逮。特電奉聞。諸惟亮察。吳佩孚叩馬。

▲吳佩孚討奉通電 各報館全國國民公鑒：自去歲軍興，吾鑒國家多難，日唯平和統一，是望。合肥段公既奮身出任艱鉅，用輟關外膺懲之師，息影南服，靜觀後效。引領善願，思親久安者，於茲一年。乃者張作霖貪天之功，不自戢兵，既盜直隸，旋攫山東，更爲豕妖，洊食蘇皖，奉軍所至，貪婪姿虐，種種無狀。實建國以來所未嘗聞。山東禮義之邦，今乃率本國外國土匪數萬，號曰軍隊，聚而亡之。游騎所棲，則婦女蒙垢，科斂所爲，則雞犬爲空。佩孚魯人也，一年以來，父老子弟，從故鄉來者，每一相見，撤簾歔涕泣，戚然不知命在何時。直隸瘠土，重以頻年水旱，兵燹生民，憔悴已極。奉軍所以腴而削之者，一如山東。不足則更在津保各地，或土口栽贓，或土匪綁票，或厲行搜括，中產之家，蕩析貧民，溝壑待盡。江蘇東南與區上海商業薈萃，中外觀聽，於焉繫之。撤兵工廠，永不駐兵，實市民所哀求。亦

政府所明令奉軍悍然不顧，乘亂襲據。其兵又不知紀律，橫行都市，遇之者殃，甚至以軍官爭販鴉片，拔刀相殘，萬邦騰笑。最近浦東駐軍陡變，長官坐視，莫敢誰何。哀此子遺，慘遭屠掠，國家養兵以衛國，設官以牧民，今乃假斧鉞之威，公然行盜賊之事，人網滅絕，至是而極。去年今日，奉軍十餘萬，今已驟增至數十萬，近又向某銀行借三百萬，密謀恢復滬兵工廠，又以全國銷貨特權，謀購大宗槍械，窺其意非將直魯江蘇之痛，敷於天下不止。合肥事不如志，外之張作霖恃翊戴之功，恣其劫持，內則安福餘孽，藉從亡之勞，擅其威福，中央威信，日益墜落，政界腥聞，甚於曩時。金佛郎案昔者通電反對，今乃秘密擅行，出爾反爾，前後若兩人，滬漢外交發生，故意延宕，藉固其位。期年以來，政府所入幾七千萬，其數之鉅，爲近數年來所未有，揮霍瞬盡，國民瞠然，莫識其用途。政治黑闇之結果，影響及於社會，百業凋零，卽以上海一隅計，本年損失已及一萬萬以上。國人昔所喁喁然，原期合肥以統一，各省刷新庶改者，至是而希望全絕。夫以中央幸天下之望也，如此奉軍爲天下之害也，如彼國人若偷息坐視，則神州陸沈，其何日之有。民苦兵也久矣，自非有所萬不得已，誠不敢輕勞師衆，以驚我父老。況當關稅會議召集在即，各友邦方將以親善誠意贊助我國權自主，尤不願於此時有所動作，以啓危疑。雖然，昔人有言：螫蛇在手，壯士斷臂。直魯蘇皖諸省，倒懸之民，其張吟垂絕，而不一拯，况張作霖方張之寇，失今不摧，後且益難爲制。關稅會議，友邦以好意相助，將來整理財政，將於此發軔焉。在今政府之下，庶政混濁，用途不易，結果只有以所入盡充土匪來擴充之用，益以魚肉吾民，而塞中外商業進展之路。是則委贖貶於草莽，負疚茲多。佩孚早作夜思，旁皇累日，以爲不忍目前之痛，不足除將來之患，不戢部落之暴，不足圖大局之安。既承各省長吏，各

軍將士。責以靖難。忝在戎行。義無却顧。已於十月二十一日。雪涕渡江。執鞭弭以隨諸將之後。誓殲戎醜。爲民請命。其濟也。國民之靈。與諸將之功。不濟則佩孚無所逃罪。敬布腹心。唯普天下愛國恤民之君子。共鑒之。吳佩孚叩敬。

▲鄂、蕭、令、奉、軍、撤、防、電、各報館均鑒。頃上執政一電。文曰。頃由鈞府秘書廳電傳。巧日明諭。伏讀之下。仰見鈞座眷念和平。深懼兵禍。仁言利溥。欽服莫名。耀南服務鄉邦。亦惟保境安民。始終抱定宗旨。惟地方與國家相維相繫。苟無國家。何有地方。自張作霖率師入關以來。其始僞以聽命中央爲名。其繼遂行挾持政柄之實。終乃威協政府。凡鈞座之所設施。幾無一不出之奉軍。挾成京內任用文武官吏。亦無不求之奉方同意。卽質之政府。亦復無可諱言。我執政淵量海涵。要惟是默化潛移。希望強藩之歛迹。乃不意該張作霖者。蓄有異志。以鬍兵匪兵布滿宇內。自榆關以西。由津浦以至甯滬。駐軍之地。若灤州。若大名。若天津。若南京。若上海。統兵之將。若趙思臻。若李爽。若郭松齡。若張學良。若丁喜春。若邢士廉。如火如荼。大有席卷幽燕。征服東南之勢。又於直魯蘇皖四大省。安置四大將帥。以統握黃河南北及揚子江中心之全權。中央幾替衰周。奉張直同秦政。併吞六國。入主中原。以鈞座之天聰。未必不知其大志。只以中央威信日替。漸至君側包圍。縱性天驕。欺其孱弱。更至天津海口。潛行封鎖。運輸器械。藉端截留。乃如馮督辦西北開墾之遠謀。亦爲其強橫而制止。以馮督之良友。尙爲其寒盟。鈞座之寬恩。尙爲其脅迫。宜其視各省若屬地。視國軍如土苴。凡隸奉軍旌幟。可以全國自由駐紮。無防地。無界線。囊括四海。說者謂其有帝制思想。將以遼東王復效胡人故智。非苛論也。夫我執政爲中華民國之元勳。再造共和。大有功於國家者也。東山再起。志在

救民。茲以直魯兩省之現狀言之。仰承張作霖之意旨。搜括民財。暴戾恣睢。無所不至。鄂省遠在楚疆。初猶不以傳言爲信也。乃閱孫督銑電及其布告。乃歎張作霖殘民以逞。驅策屬吏。竟有如此其甚者。中央近畿。甯有不聞懲罰之條。特有畏忌。我執政慈悲在抱。視民如傷。使召集直魯兩省之人民而詢其疾苦。恐扶老携幼同而哀告者。在執政聞之。亦必潸然下淚。而有不安於宵旰者也。耀南以鞏固中央之苦心。盡保守鄉邦之素志。若如張作霖者。任意侵略。破壞共和。與其羽翼長成。貽鈞座他日之追悔。曷若燎原預戢。表聯省衛國之全情。惟佳兵總屬不祥。非各省之本旨。一言可以九鼎。在鈞命之轉移。伏讀傳電。處令迅撤回防等諭。竊惟奉軍之防。在關外也。不在關內也。電諭又謂統兵將吏。慎守疆土。奉軍之疆土。在東三省也。不在黃河南北與揚子江中心也。應請本巧日傳諭之宗旨。明令撤兵。各回原防。榆關以內所駐軍隊。直轄張作霖者。俱退關外。一卒不遺。其直魯兩省人民所受痛苦。准其控訴。有官守者。依法懲治。國威一振。民怨斯申。國體不搖。兵禍自滅。耀南身膺軍職。捍衛國家。有所知不敢不言。有所言不敢不盡。芻蕘之獻。實本良心。弭亂之方。要惟討賊。出帥之意。一則爲國家伸其軍威。一則爲地方嚴其防務。正係仰體電謀。不使奸亂之徒逞機起事。邦家多難。矢志澄清。在鄂將領。戮力同心。要惟一國安則一省安。一國危則一省危。與耀南之保境安民。不肯稍渝其初志。此又耀南暨各將領等所應抒誠上達。而惟冀我執政有以洞鑒者也。伏乞抒南顧之厘憂。表中央之大信。迅頒明令。以安軍心。大局所關。不容緩。乾綱獨斷。立召麻和。不勝惶悚。冒瀆。企待命之至云。於養日。驛發。伏乞公鑒。賜教是禱。蕭耀南叩養。



歐洲債務之舊案重提

美國名記者西蒙士著
受百譯

(一) 美國之態度

最近歐洲時事之最足以引人注意者。厥為國際間之債務問題。欲討論此問題。須先述美國與此全部債務之關係。及其對於各國欠彼債務所抱之政策。美國在今日各國中。為純粹之債權國。借出之款甚多。而絕無欠款。德國適與之相反。為純粹之債務國。欠款累累。而對各國絕無債權也。美國內國公債總額。達二百一十萬萬元。一方面欠彼債款者。凡十餘國。總債額約為一百二十萬萬元。所有本金及陸續增添之利金。皆計在內。美政府之國外放款。與其國內欠款之關係。甚為明瞭。彼向人民借款後。復以之轉借予各國。但彼對於欠款皆按期付息還本。而各國對彼之債務。則迄今方開始償還也。

美政府對各國欠彼之債務。堅持須全部償清。有提議將此債取消。或減削其大部分者。皆被極端反對。二年前現任英首相包爾溫與美財長梅倫氏 (Mellon) 曾協定所謂包爾溫梅倫協約。自此美政府及人民。即以此為所有各國償還其債務之標準辦法。現於總債額一百二十萬萬元內。凡五十二萬萬元。係議定按此約償還者。該約大意謂英欠美債額。連本利應為四十六萬萬元。利率定為長年四厘。於六十二年內償清。英政府按此規定。最初數年。每年應付美一萬六千一百萬元。以後增至一萬八千四百萬元。後又有波蘭芬蘭匈牙利及立陶宛四國。亦按此法償

還其對美債務。其總額共約二萬萬元。後比利時亦向美交涉償還辦法。約定最初數年。亦償數額較微。以後逐年遞增。最後每年應償之數約達一千萬元。亦於六十二年內償清云。

總之美現已與六國訂定一種政策。彼等須按年息四厘計算。於六十二年內。將對美債務償清。惟若因目前經濟方面有困難。則最近數年內所償債額可減少。且自借債日起至償債日止。此時期內之利息。原定為五厘。今減為三厘。美於各國償還辦法固甚寬和。但堅持本金須完全償還。並索相當之利金。俾足以抵償其對內債務。所有歐洲內部糾葛。美國概不願與聞。概不可涉及此債務問題。此美對其外債之態度也。

(二) 英國之態度

若美堅持債務須全部償還。歐洲對此之態度何如乎。歐洲各國負債最多者為英與法。其次意大利亦為主要債務國之一。彼等對此抱何政策乎。此吾人所急欲知者也。英對美債務。已訂有包爾溫梅倫協約。規定其償還辦法。但英因與美訂有此約。於是對彼之債務國。亦訂有一定之政策。簡言之。彼先提議。各國間債務應即取消。由美倡導而英隨之。但英美之情形不同。美借出之款達一百二十萬之元。而未向各國借分文。各國欠英者約八十萬萬元。而英欠美約五十萬萬元。據數字觀察。英欠美者不及各國欠英者為數之多。實則即英當局亦承認。此八十萬元之負債。

實未能超過欠美之五十萬萬元。如此能取消債務之結果。在英無所得。犧牲者將為美國。美對此提議。自不能容納。英遂有第二主張。聲言今因美國之固執。不願取消債務。深遠英國之本意。不得已。英將向各協約債務國及德國按年收款一萬六千二百萬元。以後並增至一萬八千四百萬元。繼續六十二年之久。俾在此期內。可以此款轉還美國。換言之。即美若不令英償債。英亦不令各國償其債務。美若堅持令英償債。英將以此償債責任。轉令其債務國擔負。在彼終不以本有之資金付美也。

不特此也。英並向各國剴切陳述。其被美壓迫不能取消債務之苦衷。言外謂非美堅持即無一切債務糾紛。於是美國。幾成為歐洲各債務國之眼中釘。同時英又有一嚴重提議。謂不僅美向英索數若干。彼亦將向各債務國索款若干。且因彼之債務國。亦為美之債務國。故此後各國對美償債若干。對若亦須有同等之償還。彼嘗與法及意交涉。此後彼等與美財部無論訂何債務方面之協約。不得置英不顧。

此政策確切成立後。法財長凱勞氏 (Caillaux) 乃於八月間赴倫敦。討論法國償債問題。其對英債務。本利共達三十二萬萬元。英要求年付一萬萬元。法祇允付半數。二者相去過遠。似無調和希望。最後會議將破裂。而英財長邱吉爾 (Churchill) 忽與凱勞氏訂定一協約。此舉頗足以震動一時。按此約法允每年付所欠本利總額三百二十萬萬元百分之二。即六千餘萬元。並規定以後法對美償債每年總額若增加。對英亦須同時並進。此約成後。美國反對甚力。是乃事理所必然者。蓋美國所主張者。為債務國每年須付債額之四厘。於六十二年付清。今此約規定應付之數。祇及其半。且訂定凱勞氏若在華盛頓對美所允付之債額。超過此數。同時對英償債。亦須增高。此于美顯然不利也。

此邱吉爾凱勞協約。在巴黎被批評甚烈。因凱勞氏赴倫敦時。預定對英償債。每年至多為五千萬元。今已超過此限。在倫敦社會。對之亦無好評。因邱吉爾氏原定向法索款。每年還低限度為一萬萬元。今尙未能達此數三分之二。英之反對此約。尙有較遠大之原因。彼今向法祇取得六千萬。向義大利及其餘諸協約債務國所取得者。至多不能超過此數之半。彼每年須付美一萬八千四百萬元。而向法義等國所收得者。至多不逾九千萬元。以之付美。尙不足九千餘萬元。此不足之數。德國未必有力彌補之也。

美深知法對美債務。若按二厘償還。非四厘。則意大利償債時。將按此遞減。使美國外放款之收入。不足以抵償其國內欠款。實言之。即美政府借款予歐洲各國。結果將令美人民荷此擔負。且因有邱吉爾凱勞之協約。美國充分收回欠款之機會益少。並使彼在歐洲。因堅欲各國償債而處於受人增惡之地位。美嘗屢次宣布。凡歐洲各國相互間之債務。及德國賠償等糾紛。皆不願與聞。今則仍捲入此漩渦。被束縛于三角式之債務討論也。

(三) 法國之態度

今姑舍英美而言法國之地位。法亦如英。同時為債權國及債務國。且所享之債權較所負之債務為大。至少在理論方面為如是。粗言之。彼欠美約四十二萬萬元。欠英三十二萬萬元。共七十四萬萬元。各協約國欠彼者。共約三十萬萬元。在德國賠款內。彼應得百分之五十二。但迄今未能收回各協約國對彼之欠款。俄國所欠之一部分。尤為完全損失。今假定法償美債務。與英償債之辦法相同。即按四厘拔還。並按邱吉爾凱勞協約內所定。對英償債。亦按其標準。則彼年須付債三萬萬元。此數彼大半

將取償自德國賠款。或用本國資金撥付。蓋彼向各協約債務國所收得之欠款。必爲數甚微。不足道也。

法對德國賠款之見解。已幾經變化。初以爲自德所收得之款。足以抵償國內復興費用。其數約達七十萬萬元。並可以之償付國外債務。其數稱是。今乃知其不然。德之賠款總額。決不能達其數。彼現已似退至最後一步。提議向英美償債。其數至多不得超過彼由德國所收得之數。換言之。卽不願以其本國資金償債也。

若德國賠款。每年能達五萬萬元。如前所宣傳一時者。則法之地位。將甚覺安適。因彼由此可得二萬六千萬元。此外向各債務國收得四千萬元。決非難事。如此可湊成三萬萬元。以償英美。屆時卽按四厘償債。亦可以國外收入。抵付國外債務。但今日德國之賠款。估計不能超過上述之半數。是乃情勢顯然者。且英以爲法之償債。不當涉及德之賠款。而法則堅持須以其爲償債多寡之標準。德國賠款將來究將有何變化。今姑勿論。但欲法應允將來無論德賠款若干。或全數不付。彼必須償英美之債。法非至愚。必不能出此。英美雖持其說甚堅。終難成爲事實也。

根本上美英法比四國。于債務問題。其地位相等。美國因無外債。但其內國公債大部係向國外募得者。故實際上仍有外債。英與法立有償權及債務。彼等將以自國外所收入者。轉以予美。使其本國人民無外擔債。比利時之地位亦相同。將以德之賠款。抵償其對美債務。惟意大利之地位。與各國大相逕庭。意應得德賠款百分之十。但其數不足以抵償彼對英法及美所欠之債務。其外奧大利亞匈牙利捷克巨哥斯拉夫等。對意雖有賠款義務。但或無力償欠。或方在多事之秋。無暇及此。故對彼等皆無收得賠款之希望。彼之外債。共約達五十萬萬元。而無確切之收入。

若德國按約賠償。英法及比利時。或可將債務清理。意大利之命運最惡。其時仍無假賠款清理債務之望。祇可以其本國資金。償付外債。故英對美每年按四厘償債。法對英按二厘償債。意則曾要求按一厘償債也。今以其債務問題。加以分析後。知最後足以解決其糾紛者。惟有德國賠款。除意大利須以其本國資金償付一部分債務外。英法及比利時。皆將以得自德國之款項。轉交予美。故最後付款者爲德。收款者爲美。其餘各國。但爲傳遞此款之經手人耳。若德國不能按約賠款。英因與美訂有成約。仍將按約償債。比利時波蘭及其他各債務國。亦將如是。但法決不願與美訂此無條件之償債協約。且法若被迫付債。同時德堅不賠款。則法對之又將用武力壓迫。故美對法之償債。惟有靜候時機耳。





蘇俄勞農界之最近進步

受百

俄國之農人多粗鄙無文。缺乏智識。是實爲不可免之結果。蓋數十年前。此輩多被貶爲奴隸。近方得解放爲自由之人。故其心中無國家思想。雖貧苦無智識。而安之如素。絕無進取之野心。俄人每自謂其國之文化次

俄國農民之家庭



于歐洲。但觀其農人生活。即知此非虛語也。其農人之生活程度及習慣。似與土耳其及波斯人民相近。去德法尚遠。其村落內鮮見有整潔之屋宇。農人多千百成羣。廣集于草屋內。每一小屋。必有數姓同居。在較大之村落內。間有用木建築之房屋。

是乃當地僧侶或較富之農人所居者。但此等屋宇。在一村內如鳳毛麟角。不多見也。

俄國農人多貧乏異常。成一通例。屋多以草和泥製成。其室內一無陳設。

通常但有數粗木凳及木桌。是乃其僅有之傢具。室內並無地板。泥土即其託足之處。近火爐處。見有木板數片。上有污垢之被褥一巨積者。即主人之臥床也。其火爐多無適當之通氣管。故屋內常烟霧迷漫。因之兒童大都染目疾。凡此尙係就普通中級農人而言。尙有較此尤貧苦者。則一身之外無長物也。中級農人多有牛馬等牲畜。于是就餐時于黑麵包外。可飲牛奶少許。下級農人則一無牲畜。常在凍餒中度日焉。

農人衣食之簡陋。亦與其居室相仿。肉類視爲奢侈品。惟于星期日或假期內嘗之。其平時主要食料爲黑麵包。及一種用菜及蕃薯製成之濃質湯。尙有雀麥麵亦爲常飲之品。即最貧之農人亦備有一茶缸。用以烹茶。彼等固不知醫藥衛生等事。但積習相沿。不飲生水。必烹而後飲。食糖因價昂。亦視爲奢侈品。不常用。農人飲酒之風頗盛。以前多飲一種烈性之白蘭地。近已由蘇維埃政府嚴禁。凡一小村落。縱極貧乏。但至少有一製酒商。農人似不虞酒料之缺乏。逢宴會時。飲酒尤多。政府禁酒甚力。但農人嗜之成癖。禁者自禁。而飲者自飲也。

農人對婚嫁多視爲一種交易。媒妁爲村中規定之一種職業。女嫁時。其父必付新婿貨物或現金若干。結婚爲農人生活中之極可紀念之事。屆時有種種慶祝禮節。結婚日爲婦女最光榮之一日。婚後新婦即須隨其翁姑同居。通常爲姑者。對其媳多嚴刻無恩意。其夫每笞辱之。視爲常事。且多被迫在田內勤苦工作。再加以生育繁盛。故其妙年活潑態度。消滅

甚速。自經革命後。于理論方面。男女已立于平等地位。但重男輕女。已相習成風。一時尙難有顯著之改進。共產黨近附設有一女子部。其宗旨在開導各村落婦女。使覺悟其本有權利。起而謀自身之解放。並努力訓于練婦女。使之參與社會公衆生活。但其勢力有限。較僻遠之村落。多不知此等新學說也。

有一點。在革命後。女子已較前自由。以前男女離婚。幾爲不可能之事。須經長時期之訴訟。並耗金錢無算。方能達此目的。農人多無力爲之。而今則情勢已變。無論男女。但須向法院作一度之請求。立可離異。故有夫婿凶暴者。其婦不能堪。即可法律解決。但綜觀其婦女。雖有遇人不淑者。但多作苟安計。無提出離婚之勇氣。故此律幾等虛設。俄國婦女。宗教觀念極強。雖共產黨有反對宗教之宣傳。但此輩多置若罔聞。即共產黨員。按黨規須絕對不參考一切宗教像式。但有時亦被迫在教堂內結婚。蓋非如此不能得一女子爲終身伴侶也。

農人于農業智識極爲缺乏。每遇有天災。祇有束手待斃。田內種種害蟲。爲害甚烈。亦無除滅方法。于疾病之蔓延。亦不知抵抗之道。當革命戰爭時。瘟疫流行。病死者以千萬計。而仍不信蚊蚋可傳疫之說。沿窩瓦河後下游及裏海。有數處。每當夏季。必發生瘧疾。但迄今不知籌預防之方法。人民染病後。鮮有赴當地醫院就醫者。大都請一老嫗誦經持呪。以求却病延年也。

俄國農人自經歐戰及國內戰爭二度之兵燹後。生活益爲凋零。當歐戰時。召募農人百餘萬充兵卒。于是耕地面積。較前益減。內戰之影響尤惡。兵士每有不守法紀。在各村肆行劫掠者。其時且發生大荒災。結果農民益限于困境。至對于城市製造品。絕無財力。購買最近各村方略有此類

工廠製造品之踪跡。戰爭于學校方面亦有惡劣影響。革命前計全國有學校六萬一千所。革命後減至四萬九千所。入學童兒尤較前銳減。當冬因季缺乏衣服。父母多不能送其兒童入學校內教員。多不能領得薪金。學校用品如課本鉛筆紙簿等。亦多感缺乏。凡此多係受戰爭之影響也。現今俄國農人地產之多少。多以其家庭內人口多少爲標準。譬如每人規定應有地二畝半。則六口之家。即有地十五畝。用此制度。則貧乏之農

烏克冷農婦赴村市裝束



人。亦可享有地產。且于理論方面。各農人之貧富可相等。但實際上此平等原則。多不能保持。因農人之

貧苦者。多無一切耕作牲畜。不得已每以其地產轉租予較富之農人。政府雖明知此制有弊端。籌補救之法甚力。但迄未能收得良好效果也。吾人若祇觀察俄國農人之目前物質生活。其衣服之襤褸。食品之粗劣。收穫量及牲畜之遞減。則必以爲最近十餘年間。其生活益退步。實則若就別方面觀察。可知彼等將來或有改進之日。俄國之村落生活。大都呆滯無生氣。近可有打破此種生活之現象。一業青年農民。在歐戰及革命

戰爭內被迫離村充兵卒者。尤一改歷來農人之態度。俄兵中約有二百萬。以前爲農人。現在德國爲俘虜。大半在該國從事耕作。由此得習近代之科學耕種方法。此輩對於其故鄉卑劣生活。必不復能滿意。一旦歸國。有裨于俄國勞農界不少也。

革命之勢力對於農人心理。亦有影響。此並非謂一般農人。皆醉心于馬克斯學說也。按共產黨員。在農人中約占千分之一。此輩大多數爲各地之官吏。非真正之農人。但因此使農人得與種種新學說新思想接觸。而發生向前進取之野心。政府種種整頓農業之計畫。雖遭大多數農人之反對。但彼等究已漸與革命思想接觸。曾服務于紅軍者。接觸之機會尤多。此輩多熟聞李寧所倡導之種種主張。所謂勞農政府。亦能了解其真義之所在。近漸覺悟。知力求自治之不可稍緩。一般農人于政治方面。真正之覺悟。雖爲期尚遠。但不可謂非已開其端矣。俄國因其人民大半爲農人。故爲農業國。其前途之爲榮爲枯。須視其農人之努力如何而定也。



信箋爲交際社會必需品。所費求其廉。形式求其美。實際求其適合環境。則惟

嬰社新製信箋

有此特色


- | | | | | | | | | | | | | | | | | | | | |
|---------|-----|---------|-----|---------|-----|---------|-----|---------|-----|---------|-----|---------|-----|---------|-----|---------|-----|---------|-----|
| 熱心愛國者宜用 | 醒獅箋 | 年少有爲者宜用 | 英雄箋 | 交際酬酢者宜用 | 歡喜箋 | 慈祥多福者宜用 | 百子箋 | 琴瑟和諧者宜用 | 雙燕箋 | 願賦好逑者宜用 | 鸚鵡箋 | 懷遠寄思者宜用 | 飛雁箋 | 壯志干霄者宜用 | 凌雲箋 | 愛情濃蜜者宜用 | 愛神箋 | 情致纏綿者宜用 | 籐花箋 |
|---------|-----|---------|-----|---------|-----|---------|-----|---------|-----|---------|-----|---------|-----|---------|-----|---------|-----|---------|-----|

甲種	信箋	每束	大洋	一角	五分	乙種	小箋	每束	大洋	一角	二分
----	----	----	----	----	----	----	----	----	----	----	----

十種 合裝 一束 壁 合 牋 亦售 一角 五分

嬰社總發行所上海山東路二〇二號

外埠每束加郵一分 郵票九五折算



國內外一週間大事紀

(由十月二十二日至二十八日)

公 展

(一) 國外之部

▲保安公約。洛迦諾會議之保安公約。英法等國當局。均認為大可滿意。謂此為歐洲和平之基。美總統柯立芝。亦表示洛迦諾公約視道威斯計畫更進一步。英國葛雷子爵。謂德國以平等條件。加入歐洲強國之林。乃會議之最大成績。此後如有戰爭。則非起於邊界問題。但起於公斷與和解之原則。而軍備裁減實不可緩也。惟德國方面。已因此事而引起內部之政潮。二十二。閣議討論洛迦諾條約。二十三日。國民黨行政部通過一議案。不接受洛迦諾談判之結果。但政府可大多數贊成批准此約。不因國民黨之反對而變計。國會外交委員會討論洛迦諾條約。國民黨仍欠溫和。頗反對本黨閣員。史特萊斯曼博士極力疏通。謂西境公約僅放棄侵略的戰爭。并不妨礙國家之權利與自決。或他種和平發展。史氏此言。蓋欲銷除國民黨對於公約第一款所載德國永遠放棄西境已失土地一節之反對也。但二十五日國民黨議員會議。投票反對洛迦諾條約。指協約國對於改善來因地現狀與撤退柯洛萊軍隊兩事僅有空泛之允言。而未有書面担保。國民黨出身之內務。經濟。財政三總長。提出辭呈。該黨國會議員已核准本黨閣員三人辭職之議。二十六日。路德召集內閣會議。決計維持現狀。國民黨閣員遺缺。暫由他閣員兼任。定於十一

月間將洛迦諾公約案提交國會。如社會黨投贊成票。則此約定可通過。但社會黨議員或不投票。亦意中事。因社會黨不願國民黨逃卸接受此條約之責任。而以國民黨獨投票反對放棄亞爾塞斯勞蘭兩省及其他土地之議。謂於國人之前途也。段吏社會黨果不投票。則總理路德惟有解散國會。直以洛迦諾問題訴諸國人耳。大選舉在十二月以前似不及舉行。故德國批准公約之期

希 臘 總 理 潘 噶 洛



勢將延緩矣。

▲法國政潮。法國財政問題。日來大感困難。連日佛郎匯價大跌。二十三日倫敦市價跌至一一四。三五。已為一九二四年三月以後之最低價格。二十四日又跌。一百佛郎等於美金四元一角。此為二十個月內之最低價格。其主要原因。為財長凱勞即將辭職之說。蓋為舉辦資本稅問

題。閣員與凱勞意見不洽之說。傳聞已久。社會黨及多數急進社會黨。皆以爲資本稅乃挽救國家金融之唯一希望。而凱勞則堅決反對之耳。二十三日閣議財政狀況。爭執頗烈。司法長抨擊財長凱勞。責其尙未提出理財計畫。凱勞力辯。不允於國會未投票時即行辭職。財政部公報。又謂凱勞並未勸內閣續發紙幣。二十五日。凱勞在洛爾地演說。略述其理財政策。大旨爲(一)反對資本稅。(二)強制的鞏固短期債款。或減輕國債利息。(三)對富戶採漸進稅。(四)對奢侈品採苛稅。(五)對各種財物採

布利亞王




特別而穩妥之稅。(六)撙節政費。並謂國家僅可徐徐脫出窘途。若欲於數月內恢復財政。則不可能。凱勞演說中頗露辭職之意。法內閣亦有二十六日晨總辭職說。二十六日閣議。總理班樂衛要求財長凱勞辭職。凱勞則提出其與急進黨合作之新財政案。而不願辭職。嗣以外長白理安竭力調解。內閣風潮或可挽回。至少一時不致發作。蓋白氏不願於國際聯盟行政會在巴黎集議時發生閣潮也。第財政問題尙無適當辦法。則內閣勢必發生風潮。班樂衛將再拜組閣之命。預料多數閣員將仍留職。班樂衛將不兼陸軍而改兼財長云。

▲希布風雲。歐洲近日忽有希臘與布加利亞之風雲。十九日布兵攻擊希臘邊界哨地。擊死希臘軍官與兵士各一人。布兵旋升白旗。說明出於誤會。但布兵雖有此道歉。而希臘政府仍決定嚴重交涉。二十日發哀的美敦書。致布國。要求(一)賠償法佛郎二百萬。(二)道歉。(三)懲治負責諸人。限四十八小時答復。至念二日正午止。若不應交涉要求。將即派入蘇菲亞。及現。希相拒絕布國所提組織調查邊界事件委員會之議。謂布兵現尙在希臘。故此議不能接受。惟雅典所稱布兵佔據希臘一節。布國官場認爲不確。謂布兵未有越過邊界者。希臘軍政府既拒絕布國之建議。遂派兵陸續進入布境。攻擊布國守兵。殺死五人。其餘布兵乃走。佔據三哨地。又佔彼得里治鎮。目的在迫令布兵進出希臘土地。二十三日雅典公報稱。希臘在彼得里治之目的。現已到達。故軍事行動可認爲終止。此案現將入於粹純外交之階級。但二十五日。希臘仍炮擊魯伯里斯與彼得羅福兩鎮。直至二十六日。兩國因羅馬尼亞之勸解。始允暫締互將軍隊退回邊界之約。初二十三日。布國向國際聯盟會秘書處提出抗議書。請即召集行政會。調查希臘布爭端。國際聯盟行政會會長白里安。乃召集於二十六日開行政會議。討論希臘布問題。並請希臘派代表與會。同時勿探行戰事。希臘兩國當即各派駐法公使充任出席代表。二十六日聯盟行政會開會。法總理白里安主席。報告雙方傳來之矛盾消息。謂現有兩問題。一爲停戰互相撤兵。一爲調查事實與開火責任。並決定賠款。布代表答白里安之問。謂布國毫未侵入希臘。而希臘代表則答稱。如布軍退出希臘。則希臘願退出布境。行政會當決議。希臘兩國行爲有背文明。將釀成戰事。故請兩國於二十四小時內向行政會聲明。該兩國政府已各無條件。傳輸軍隊退駐本國邊界之內。並於六十小時內報告兵已全

撤戰事已止。兵士已奉嚴訓不許開火。否則重懲。行政會並請法英意立即派員馳赴衝突地點。調查軍隊何時撤退。戰事何時停止。並將以上各情在上述限定期內報告行政會。希布兩國須以種種方法便利此委員會團行使其職務。二十七日。行政會將續議此事。

▲摩洛哥戰事。摩洛哥佔據收克羅巴等處之法軍。二十日已遵訓令退守蘇克塞白丹尼瑪里。孚軍大隊近曾猛攻此路法軍。法人消息亦證實法軍退走之說。據謂因雨季已屆。運輸為難之故。阿白杜爾克林利用

居仁堂



法軍退走消息。率里孚軍反攻。法軍喪失大砲四尊。幸西軍飛行隊出助。得轉危為安。晝夜阿爾胡塞瑪。亦被里孚兵襲擊。西軍損失不下千人。里孚兵現待東風發作。然後強攻阿爾胡塞瑪。蓋東風大作時。海陸之策應不通。而西軍又無第二道防線也。據法總理班樂衛對衆院財政委

員所發之報告。摩洛哥之役。至七月底止。法兵死一二八五人。傷五三〇六人。在自八月一日起至十月十五日止之最活動時期中。法兵死八九一人。傷二九七一人。至於今年敘利亞戰爭中。法兵共死六二九人。摩洛哥戰費。為九五〇・〇〇〇・〇〇〇佛郎。勞命喪財。誠不知其所得效果何若也。

▲日本政黨。日本現政府方面。雖欲斷然解散議會。然再選時能得半數與否。殊無把握。最多恐不過二百人上下。故事實上憲政會政府欲以解散議會為最後之舉。苟能得本黨歡心。渡過本議會難關。實所心願。以友會關於教育費問題。與憲政會意見。相差達二千萬元。此為兩方衝突之焦點。能否冰釋。殊為疑問耳。又日本全國無產者政黨組織準備委員會。二十二日於大阪開會。已協議下列各項。司法制度及廳察之改革。殖民地自治制度樹立。軍備之澈底縮少。土地國有。食料品價格公定制度之確立。工人佃戶罷業權之確立。官營工廠工人規定之改正。無產婦人之買賣禁止。秘密外交之撤廢等等。至黨名或用勞動黨。或用勞動黨者農民黨。或用日本無產者黨。或用日本進取黨。尚未一定。而日本無產階級之將有政黨出現。已無可為諱矣。

▲中日俄交通會議。中日俄京交通會議。十九日在莫斯科舉行。蘇聯道路交通委員長路素達致歡迎辭。略謂須討論之懸案甚多。希望會議結果於各方皆有裨益。中東路代表胡傳明演說。略謂通運於遠東各國皆甚重要。中國交通部代表余君演說。略謂因無通運之組織。中俄皆感不便。故中國希望此次會議。移除以往障礙。日本代表賀膝(譯音)朗誦日本交通大臣來函。內稱此會議將促進三國親善。旋即選舉會議人員。路素當選會長。余君與賀膝當選副會長。并規定組織三個副委員會。二十一日着手討論各方提案。

▲波斯灣風災。二十四日波斯灣。有鉅災。初起於大旋風。繼起於地震。災情甚重。擄取珍珠之漁船全數沉失。不下二百餘艘。七千人溺斃之說。殆已證實矣。

(二) 國內之部

▲關稅會議 舉國屬望之關稅會議。已於二十六日在居仁堂正式開幕矣。事前英日代表均已趕到。參政院二十一日開會。通過關稅國定稅率條例十七條。及烟酒進口稅條例四條。二十四日前公布。以此為關稅會議時要求各國同意之根據。其末條規定實行之期。另以明令定之。以期得各國之諒解。二十一日外部通函各國代表團。二十六日九時行開幕禮。附禮節單及徽章。二十二日國務會議後。即明令特派王正廷。顏惠慶。施肇基。沈瑞麟。黃郛。蔡廷幹六委員出席關稅會議。聞委員會先由電各省區。略謂此次召集會議。原欲本華會尊重中國行政完整精神。以達關稅自主目的。初非切於近功。閣議既頒訓令。本會復議解除束縛。同具決心。受茲重任等語。蓋所以解釋外間所傳關稅會議不爭關稅自主之疑慮焉。至關稅會議開幕詳情。錄誌為下。

二十六日上午十時。關稅會議行開幕禮。(一)中國代表各國代表入席。(二)段執政入席。奏樂。(三)段致歡迎詞云。『各友邦應中國邀請。派遣代表。惠然光臨。聚集一堂。討論關稅。本執政躬逢其盛。實深榮幸。際茲開會之初。謹以最誠懇之實旨。歡迎與會各代表。並述我國人民全體希望。查此次會議。根據華會而成。深望本會討論與議決。須遵守華會精神。九國條約第一條第一項。即首先聲明。尊重中國之主權與獨立。暨領土與行政之完整。我國民對此聲明。頗為重視。本執政認此會為實現九國條約聲明之機會。故乘此時機。重申我關稅自主之要求。關稅自主。意義本極平常。在我言之。不過遵守國家應有職權。想各友邦必能本平等互惠之原則。共諒此旨。查我國現行協定稅則。不合經濟原理。致所受影響。不可勝計。若國定稅率實施以後。縱稅率變更。外商負擔似略加重。而我國民久困之經濟。得藉此蘇復。購買之能力。得藉此增進。萌芽之實業。得藉

此發展。我國本世界一大好市場。一旦經濟蘇復。富力增進。實業發展。不獨我國之幸。即各友邦同蒙利益。甯屬淺鮮。本執政深信自私即自害之階。互助乃互救之本。故以平等互惠之精神。屬望於斯會也。況世界思潮久趨均衡。其原因全在經濟不平。國內固如是。國際何獨不然。關稅制度使之歸於平等。即所以謀中外經濟安全。而世界和平基礎。亦肇於此。與會諸君。諒明斯諦。此本執政所樂為一言之期。會場遠離塵囂。尙稱肅靜。諸君當能以舒展之心情。討論本會各問題。與以圓滿結果。本執以意謂實現華會精神。造成世界永久幸福。均在此舉。惟諸君實利圖之。』段讀畢。由熊崇智翻譯英語。段退席。(四)荷歐使提議。推沈瑞麟為主席。沈就席演說云。『中國依據華會關稅條約。召集此會。承推主席。不勝榮幸。鄙人對於本會。切望成功。歐戰以來。國際會議。或為政治關係。或經濟性質。自巴黎和會。至最近洛迦諾會議。連續不絕。而與遠東生直接影響者。當推華盛頓會議。舉行國際會議。實有顯著利益。即因舉行會議。各國得彼此接近。雙方諒解。促進和善。鄙人於國際上憶及一種趣味。即條約尊嚴。雖應維持。而已定條約。因有變更之情勢。亦可隨時修正。此項因時制宜之原則。為諸君所知。鄙人以為中國約定稅則制度。始於八十年前。原適彼時情況。現該項情況。既已消滅。則此種制度。實屬不合時宜。自不應任其存在。諸君對此見解。定表同情。深望本會諸代表。本其善意與同情。利用本會議所予之機會。設法改善中國關稅諸問題。俟中國得早日行使其關稅主權。為達到上項目的起見。特請王正廷代表中政府。將解決中國關稅問題提案。為諸君陳之。該提案中政府信為合理。諒各代表維持公道。定予贊同。沈演說畢。由伍璜譯成英語。(五)王正廷說明提出關稅自主案。大略謂一九一九年巴黎和會。中國代表提關稅自主。當時認為

不屬和會範圍。未討論。一九二一年華府會議。在遠東委員會第五次會議。中國代表以中國現行約定關稅。妨碍中國主權。違背國際間均等及互惠主義。重提關稅自主及過渡辦法。該會對此問題。雖經討論。惜未充分容納。中政府引爲遺憾。不得已訂立一九二二年二月六日關稅協定。事前中代表於一九二二年一月五日遠東委員會十七次會議席上。曾宣言關稅自主將於適當時再提出討論。同時並訂九國協約。第一條第一項聲明尊重中國主權與獨立暨領土與行政之完整。際此關會討論關稅時期。中政府認一九二二年一月五日宣言之適當機會已至。特根據九國協約。提出祛除關於稅則現行條約上之障礙。推行中國國定關稅定率條例。實行關稅自主辦法如下。(1)與議各國向中國政府正式聲明。尊重關稅自主。并承認解除現行條約中關於關稅之一切束縛。(2)中國政府允將裁廢厘金與國定關稅定率條例同時實行。但至遲不過民國十八年一月一日。(3)在未實行國定關稅定率條例以前。中國海關稅則。照現行之值百抽五外。普通品加徵值百抽五之臨時附加稅。甲種奢侈品即菸酒。加徵值百抽三十之臨時附加稅。乙種奢侈品加增值百抽二十之臨時附加稅。(4)前項臨時附加稅。應自條約簽字之日起。三個月後。即行開始徵收。(5)關於前四項問題。應於條約簽字之日起。立即發生效力。(六)各國代表演說。先由美比荷葡各代表演說。表示願誠意贊助中國關稅問題之提議。希望得有良好結果。而比華使對於稅則自主。尤願盡力成全。次日代表演說。提出條件。次法代表演說。法國願在華會條約範圍之內盡力幫忙。英代表演說。亦以華會條約爲根本原則。義代表演說。希望中國國內早日和平。俾得從容討論關稅。次西班牙瑞典丹麥那威代表均演說。申謝中政府請其加入盛意。願盡力

援助中國。俾雙方有滿意辦法。英法日語言由張煜全等譯成華語。餘各使均由館員自譯散會時全場鼓掌。

關稅會議開幕之日。以王正廷演說爲最有精采而切實。因其代表中政府提出關稅自主辦法。會場空氣爲之緊張。至各國代表演說詞中。以日代表日置益之演詞爲最露骨。而英代表麻克類之演詞次之。日置益氏先略述日本曩昔爲求除去財政上及司法行政上之束縛而努力進行之歷史。繼聲明日本全權將以同情與諒解。並對於中國地位之友誼的理解。應付本會議諸問題。對於中國全權所提出之關稅自主權問題。願加友誼的考慮。但即關稅條約第三條中所規定之附稅。係二五厘。此事

京師警察總監朱深



若不修改該條約之規定。則不當變更。吾人願以此項新財源。充中國政府必要之行政費。同時樹立得促進一股的財政整

理之實行方策。中國若再有提議以增徵二分五厘以上相當率爲目的。時亦不吝考慮之。但究之中國必須先裁撤厘金之一部分。同時必實行中國與列國間以締結之現存條約中所規定之某種條件。最後遂爲如左之提案。日本全權於茲提議。限定於一定期間內採用之暫行辦法。須依據左列之方法之一。(一)國定稅率須有公正合理之標準。一般皆適用之。另關於特殊貨物。則與該關係國協定特別稅率。而據之以課稅。(

二、加稅不得過值百抽一二。五並須不抵觸關稅條約第二條規定。差等稅率。綜其意見。不啻明言中國將來加稅以值抽一二。五為極高限度。而須以履行一切條約上之義務為交換條件也。麻克類氏則謂英國政府以與臨華府會議同一之精神及同一之動機臨本會議。茲政府豫備在本會議或在日後相當之時機。無論何時。討論中國關稅自主權問題。切望中國在鞏固財政基礎上設立統一獨立有秩序之政府。當討論關稅自主權之際。應當考慮之問題。自不必說。即其他如裁撤地方附加稅之事。亦在考慮之列云。

關會開幕後。當晚各國代表應沈外長之宴會。二十七日上午十一時。各代表開第一次會議。由王正廷主席。各代表對關稅自主提案。因出於華府會議範圍之外。頗有難色。經葡代表從中斡旋。始勉強列入議程。但對於增加附加稅用途。各國均特別注重。須先審定用途。至華會協約第三條定議案內審議局之組織。各代表亦主列入議程。最後決定所有華會內決議各案。一律列入議程。提出討論。因議決組織三分委員會(甲)討論關稅自主問題。(乙)討論過渡時期準備事項。(丙)討論其他相關事項。又組議程起草委員會。至午時散。

反政府派之反對關會。唐紹儀孫傳芳早有通電發表。孫直捷語人。余非反對關會。乃反對在現政府下開關會。此誠奇語。吳佩孚抵漢後。即發表對外宣言。請漢領團轉達各本國政府。其宣言云。『本總司令此次統率聯軍討賊。係為謀我國統一起見。純屬內政範圍。對於有約各友邦。從前所訂之通商條約。暨已經解決之成案。必特加以尊重。其在我聯軍範圍以內各省僑居外人之生命財產。必一律切實保護。在戰時期內。深願各友邦依據國際不售武器之協議。禁止政治借款之規定。對於吾國任何

方面。不與以軍器及借款之援助。至於關稅會議。自出各友邦之盛意。惟須俟諸合法政府成立之後。方能得國民之信任。凡我友邦。素稱睦誼。必能主持正誼。堅守中立。謹此宣言。幸共鑒之。』吳又派吳靄宸分赴駐漢各領事署。聲明中國現無合法政府。關稅會議無急劇開會之必要。即開會亦無良果。請轉達各國政府。暫停關會進行。但荷領使接到漢口領事團轉來吳宣言後。二十四日召集使團會議。決定對吳抗議置之不理。故關會依然開幕也。

▲學警衝突 廿五日。京師警監朱深據報。學生將反對關稅會議。二十六日晨。通令各區戒備。調保安隊禁止集會。併派多警巡邏。八時半。各校生約六七千人。在北大集合。為關稅自主。擬至新華門。向各國關會代表赴會時示威。九時。行至西長安街。巡警阻止不服。擲磚石。警用棍抵禦。學生傷吳興身。王聖琪。蘇潮。周家禮。李挺趨等。警傷馬國楨。傅鈞泰。蔣寶全。郭瑞林等。被捕學生傅啓學等。約五人。馬巡官重傷。送醫院即死。受傷學生。亦送醫院。旋羣衆擁至天安門開會。周鯁演說關稅自主。後分隊持旗游行。經過警廳。推譚熙鴻朱家驊等十人入廳。請釋放被捕學生。羣衆游行至午後始散。二十七日。在押各校學生已保釋。惟李生因有行兇嫌疑。送檢廳法辦。而各校學生亦決預備起訴矣。

▲滬案交涉 外部所擬滬案三項照會。因時局關係。迄未送出。上海英美日三委員進行之司法審查。至二十七日止。已開庭十三次。美委員長約翰生宣告結束。第九次以後。約翰生所審訊者。大概關於工部局。會審公廨。及捕房等機關之歷史。組織與權限問題。其最動人視聽者有數點。(一)會審公廨問題。據公廨冊書英人韋恩祿稱。先為中國公堂。後因條約或因他故。有陪審員加入。一九一一年為領事團收管。該公堂由納稅

人出資供養問官爲領事官所派。無上訴而可請求重審。工部局總董費信惇稱。公堂立於一八六四年。常爲捕房與中國當局衝突之原。一九一一年一月革命後。領事團代管公堂。曾有公告。以中國無正當政府。暫時取代。至今仍在領事團之手。此種管法。有違條約。爲中國人士所恨。會屢欲恢復從前原狀。公堂之中國官。有時爲中國所派。有時爲他人所派。(二)越界築路問題。據警務股股長賴一門稱。確有越界築路事。工部局照地皮章程而行。該局於此等道路上有巡警權。道路接展至中國地界之內。似無限制。委員問以如此則工部局不將展其道路於全中國否。賴答不能確悉。費信惇則謂越界築路僅與中國官場中之少數人稍有衝突。但住在租界邊境之中國人。爲築路所及者。則甚喜有路。且亟欲有路。工部局之有衝突。僅與中國官場而已。中國官場亦只發有意無意之抗議。並無其他表示。(三)巡捕放槍問題。據工部局總司熙頓瓊生稱。巡捕房警章。爲彼所擬。以英國軍令軍法爲藍本。上海工部局巡捕房。與他處警察不同。備有火器。教以鎗法。若放鎗則必以擊死或重傷爲主。巡捕帶鎗。以殺人或重傷人爲主。則因行其責任而出此。不能爲罪。(四)工部局對捕房之權限問題。費信惇稱。租界內及租界四周之困難情形。捕房並未曾先向工部局報告。捕房略有主裁權衡。若非捕房首領以爲須向工部局請示。則工部局總董即不親身聞知。當日是否能取預防方法。在十二點以後行之。以減少或避免三點半所出之事故。以工部局所知。則無之云云。二十七日末次審訊時。總巡麥高雲代表律師麥克勞向委員續爲麥高雲辯護。次爲代理總巡馬丁律師紐門。爲馬丁辯護。次爲捕頭愛活生律師哈力斯。爲愛辯護。最後爲工部局代表律師馬尼爾。爲該局辯護。總委員約翰生宣稱。此次審查。原屬不幸之舉。且又屬於片面的。

尤爲不幸。加以表面上觀之。此中有人。乃即本會所須查問之人。故更爲難辦。審查於此時行之。亦爲不幸之事。若能早行。詎不甚善。外交團代表先經審查。而未足以應付全盤問題。殊覺可惜。外交代表之所審查。本委一無所知。亦不知其結果。此次審查。本委慮其復生昔日擾亂情形之影響。當日有此擾亂情形。已屬不必。本委業與其餘兩委商過。決將審查會於今日收束。惟於審察證據之際。若有必要時。仍當再召人證。以備諮詢。本會自今日起。作爲無定期之延期云云。所謂司法調查。遂片面舉行終了。至三委員之判決書。不知是否合發抑或分發。或逕自發表。或由各政府轉行發表。目下尙未可知也。

▲廣東戰況 黨軍克惠而後。蔣介石令一由三多祝出公平。一面平海出梅隴。另以奇兵襲埔心海豐。二十一日。蔣自平山電告李雲復部三千向海豐。陸豐紫金三路潰退。黨軍已過埔心。另一消息。蔣軍已到新庵。二十日埔心激戰時。陳軍死千餘。向安流五華潰退。汕頭大恐慌。陳軍官眷乘涼州輪逃港。第一縱隊第一師。二十二日午前三時向梅隴羊蹄嶺進攻。佔海豐城。二十四日攻克陸豐。二十五日指揮部移海豐。右翼由公平擊河壘。中路由陸豐攻葵葵。粵軍謝文炳協同閩軍扼河田。李易標黃任寰出橫水渡擊蔣軍左路。蔣軍林振雄部克紫金。程潛部克河源。將由河源襲五華興甯。林虎陳炯明軍紛退閩贛邊境。林虎派運動劉志陸退閩南。俟浙奉軍事解決。得吳佩孚實力援助後。再來潮汕作戰云。南路黨軍陳銘樞部抵恩平。陳十五日在江門就南征副司令職。出兵兩陽。陳銘樞佈告南路佈置已妥。尅日出兵作戰。蔡鉅猷抵省。亦允率部助攻南路云。



讀者論壇

王平陵

如何解決中國的內亂？

去年江浙大戰開始的時候。張君勱先生對於國內的戰爭曾有六大演講的發刊。我覺得張先生所言。都是不佞之所欲言。他是完全根據社會學心理學經濟學哲學等見解。來研究中國內亂的起因和結果。那當然比漫無把握的政論家專憑一己冥想的推測。要高深得多。現在江浙與直奉。又開始舉行週年紀念了。不佞頗想趁此機會。供獻一點意見。作為他們舉行週年紀念的禮物。

中國人莫不公認中國近年來的內亂問題。實在是一個極難解決的問題。中國十四年之中。因內亂所給與我們的苦痛。原不必細說。關心世運的。因此常常發生下列的三層感喟。

(一)中國長此紛亂不已。爭城奪地。勢必至外重內輕。釀成變相的藩鎮的局面。

(二)中國經一次內亂。必更窮乏一次。而外人持其「好整以暇」的態度。從旁操縱。所以內亂如不告休。必至亡國。

(三)中國人殘殺同胞的手段。自袁項城時代。原早被外人所嘆服。到現在已變本加厲。一切的國恥國仇。且把他丟開一旁。而遊戲式的零碎仗。卻不可不打。所以中國的內亂。如不告休。必由亡國而進至亡種。上列的三種感喟。誠不能說他是「杞人憂天」。然而感喟是沒有用的。我們終當想出一個解決的方法來。「萬事須聽其自然」。這是中國人

父教其子。兄詔其弟的老古話。可是我們受了這句話的影響。着實不小。中國的內亂。倘若要聽其自然終結。恐一輩子也不會終結。這如黃河的水一樣。苟不築堤防衛。若聽其自然的泛濫。則至少非把北五省及中原一帶。盡變成汪洋的澤國不止。這如楚項羽焚燒咸陽宮殿一樣。沒有人救止火勢的蔓延。竟把一座莊麗無比的阿房宮。燒得變成灰燼了。所謂一切須「聽其自然」這句話。是沒有長進的弱者的推諉。是民族惰性的表示。千萬不可為訓的。中國數千年的內亂頻乘。循環不已。可以說都是國民不想法防止。而「一聽其自然」的結果。現在要想解決中國的內亂問題。誠然是很困難的。很不容易立見成效。但是我們斷不能因此而停止我們企圖解決難題的勇氣。

中國的內亂。由歷史上的眼光觀來。大抵終在一個朝代的開始。與一個朝代的終結。而釀成內亂的原因。則可以把歷史家所記載的事實。歸納為下列的幾種。

(甲)由於朝政不綱。權奸當國。而激成內亂的。如東漢的十常侍專政。惹起黃巾之變。西晉之賈氏專政。惹起八王之亂。是。

(乙)由於民食不足。飢寒交迫。而激成內亂的。如新莽朝連年旱荒。銅馬赤眉遂蜂擁而起。清季山東河朔水旱潦至。因引起拳亂。

(丙)因封建殘局。成功勢均體敵的情形。而激成內亂的。如春秋五霸。戰國七雄。唐代藩鎮之類。是。

(丁)因自國衰弱。外族侵凌。而激成內亂的。如五胡亂華。契丹寇邊。女真禍宋。蒙古入主。滿洲興起之類是。

上列的四種原因。雖不算是涵蓋一切內亂的起因。然據此已足夠爲我們討論的根據。從這四種原因研究起來。民食不足。人口增多。不能生活。實在是激成內亂最根本的原因。凡是人類都有其求生之衝動。一旦而不能維持生命。於是不得不另想方法去求生命。到了無法可想的時候。往往輕生重死。好勇任俠。那時候舉凡禮教法律政治……等等人爲的防範。都已喪失其效力。因此傑強者便利用這個時機。號召一般失却生活力的亡命之徒。相聚爲盜賊。爲流寇。作一種掠奪式的生活。到了被掠奪者也不能生活。也去做掠奪者的時候。那內亂就紛紛而起了。內亂的結果。終是由第三者的勢力。出來統一全局。倘自國沒有第三者的勢力產生的機會。便因此而落在外族的手中。也是常常發見的事實。那當時直接從事內亂的分子。終是完全歸於敗亡的一個朝代。每在開始的成年。必經過一次大亂。大亂以後。常有幾十年的平定。平定不久。又有大亂起來了。歷史家觀了這種局面。因規定一個公式說。『合久必分。分久必合。五十年一大亂。三十年一小亂。』其實這個公式祇從其結果上面立論。而未能將其原委說了出來。國家的一分一合。一治一亂。並不是自然的趨勢。全都是人爲的現象。現在中國人均歸之於自然。而不去想法防制。那是根本的大錯誤。到了既成了內亂的局面。才去縱談非戰。高倡廢兵。也不是切要的辦法。而且在事實上是沒有用的。歸根結底說一句。中國的內亂。實在都逃不出馬爾薩斯的人口律所報告我的結果。換句說。就是人口過剩。失業衆多。麵包不夠分配的結果。因此中國的政局。四千年來。實在沒有真正治平的時候。所謂治。不過是經過大亂之後。人口喪

失了不少。麵包暫夠分配的現象。是一時的。是偶然的。倘經過了三四十年。人口又逐漸加多了。而生產的方法。仍沒有改進。於是分配不均。又不得不亂。照此種情形。中國人倘不在生產方面。極力加以注意。那內亂是必然的事實。無論如何不能避免的呵。

我們誠然要解決中國的內亂。我覺得並不是一個難題。實在是一個輕而易舉的問題。而且不必放言高論。祇要腳踏實地去做就行。我且把我的方案開了出來。給社會公斷。

(一)獎進實業。中國的實業。急待開發的。非常的多。倘政府人民能在此努力。使民生達到充裕的境地。則人人安居樂業。誰肯賭着生命。去吃亂世的危險飯。到那時候。雖一二野心家想利用時機。必定是無兵可招。無機可乘了。

(二)敦篤民風。民風習於奢侈。是社會貧乏。人心淪喪的總因。現在民風已奢侈到極限。社會已墮落到極限。滄海橫流。人慾薰天。這都是大亂的動機。要弭補此種危機。非力矯奢靡的惡習。返於樸約。力挽墮落的民風。趨於敦厚。則雖能平一時之亂。而不能求永久之治。其入手的辦法。就是從衣食住方面做起。

(1)凡在國民。不論爲官吏爲庶民。一律着本國的大布之衣。大帛之冠。

(2)凡在國民。食住方面。都須經官廳方面有嚴格的限制與規定。而務以節儉敦樸爲度。

(3)除公園以及正當的娛樂地外。凡一切非正式的娛樂地。如茶寮酒肆妓院等。一律通令廢止。各處的劇場。另由國家組織改爲國立劇場。其餘不正式的劇場。一律通令廢止。

(4)除學問上須參攷舶來品外其餘一切化裝用品淫侈的日用品衣料等一律禁止入口。

(5)凡有嗜好的國民或官吏(如賭博吸烟等)以及不事生產的國民一律依法嚴辦或竟把這部分無用的國民完全犧牲了免致遺害亦無不可。

(三)提倡人格教育 中國興學的時候正值前清科舉流弊的時候在當時許多國民困於場屋因發憤而投筆從戎的一時雲擁風起多至不可勝數現在一般握軍符的大抵是清末的老童生所以中國近年的內亂實在是前清科舉之反動而且當時的學校並沒有從道德上人格上立好基礎祇不過用速成法把一般老童生們聚集起來授以一種新式的做官方法因此才造成現在一大批死要錢不要人格的無恥政客和議員這些人與軍閥們相依爲命中國的現局奈何能不亂故我常說民國十四年來的亂源完全是教育不良的結果今後如欲根本清絕亂源非把從前想做官想做領袖想發財的教育方針完全轉移過來向着人格的教育方針進行不可。

(四)實行義務式的政府 去年在段執政入都的時候不佞曾在時事新報上著論勸其實行義務式的政府讀者常猶能記憶我覺得這是一個挽回現代頹風陋俗的惟一妙方其實行的辦法有如下述。

(1)調查現有各官吏量其地位之高低屬員的多寡一律酌給車馬食用費而不支薪水。

(2)將各官吏應得薪水完全充用於教育實業等國家生利的事業。

(3)凡願爲國服勞的由國家給以名譽獎。

(4)到那時國民中的優秀必不願爲官而後由人民公舉凡被公推者不得託辭不就。


義務式的政府既經實行我想至少可以獲着以下的幾層好處。

(1)實利既無紛爭必可減少。現在的內亂定可沒有。

(2)現在的人民都以爲做官可以發財因此都捨棄他們固有的職業羣入於做官的一途做官既無財可發必羣用其智於生利方面而國力可以充物國運可以轉機了。

(3)義務式的政府實行舉凡卑鄙無恥的官僚必不願再來嘗味了而眞人才方能出現國家可以進於治理的一途了。

讀者諸君這不是老生常談實在是解決中國內亂的根本辦法以後我極不願國民再做表面的文章空在那兒高唱裁兵了我承認現在暫時的內亂國民儘可不必顧慮忍耐着暫時的痛苦罷也不必請願請願也是無用不如把請願的工夫多做一些實際上有利的的事情我但希望——極誠的希望以後成功的軍閥(不論是誰)能夠自覺以後不論何人組織的政府能夠實行不佞所提出的主張那內亂自然可以消滅中國人民的耳鼓裏便永久聽不着炮聲了。





家庭醫學常識

余愚

(二十) 胃痛

▲原因 本病亦稱胃。痙。中醫以為肝胃不和。發而為痛。因稱爲肝胃氣痛。或稱胃脘痛。其原因其多。如神經衰弱症。歇斯的里病。手淫。依卜昆的里。脊髓癆。胃潰瘍。胃癌。胃卡答兒。貧血病。萎黃病。瘧疾。痛風。肝病。脾病。婦女月經障礙。月經閉止。子宮後屈。男子遺精等。皆能致之。

▲症候 本症以胃之劇痛爲主徵。往往因忿怒憂悶等之誘因。而心窩部突然發生劇痛。(亦有半覺有胃部膨滿。噯氣。惡心。嘔吐。善饑。流涎。頭痛。眩暈。精神異常等之前驅症。而後發劇烈之胃痛者。)如灼如刺。如咬如鑽。如扯如摘。痛點發在心窩部。而放射於背部。左側肩部。及季肋部。痛極之時。病人失聲號叫。顏面蒼白。四肢厥冷。脈搏細小不整。流汗。或至人事不省。痙攣等。繼則以壓迫痛處。或按摩痛處。而輕緩。或痛至極度。以噯氣。放屁。或嘔出胃中稀薄而粘稠之液。亦得輕快。故發作時。病者每喜他人用

力爲之按揉胃部。或屈其前身。若繭中之蠶狀。發作時間。輕則數分鐘。重則數點鐘。隔數日或數星期而復發。不痛之時。與健康人無異。本病症狀。或有與他病類似者。宜鑑別之。(一)胆石。疝痛。其痛點在肝部。兼有黃疸。使中有胆石。(二)最下部肋間神經痛。其痛隨神經之徑路而起。(三)胃潰瘍。其疼痛。因壓迫而增加痛苦。(四)慢性胃卡答兒。及胃癌。其疼痛爲持續性。而亦輕微。不似本症之劇烈。

▲治法 本症原因甚多。故治療宜注意其原因。攝生之法。亦不可忽。疼痛劇甚者。用鎮痛劑。若欲速奏止痛之效。宜就醫生。急用百分之一鹽酸嗎啡水。或百分之二至百分之三之科垵英水。一筒注射於皮下。原因於手淫者。行冷水摩擦法。貧血者。用鐵劑補血。瘧疾者。用鹽酸規甯神經質者。用臭素劑。

▲處方 (一)鹽酸嗎啡。○。○三。茴香油糖。一。五分爲三包。發作時。服一包。(二)科垵英。

(即古垵乙涅。近譯作科亭)○。一至○。一五。白糖二。○。分爲五包。發作時。服一包。(三)重碳酸鈉。(亦稱重碳酸曹達。簡稱重曹)○。○六。龍胆末。○。五分爲三包。一日三回。每回一包。(四)次硝酸鉍。(即次硝酸蒼鉛)二。○。至五。○。鹽酸嗎啡。○。一。重碳酸鈉。三。○。研和爲散。分爲十包。每日三回。每回一包。(五)過養化鎂藥。(本品別名萬應立止胃氣粉。製成片劑者。名萬應立止胃氣片。專治肝胃氣痛。有特效。上海怡豐公司經售)粉劑。一日三次。每次半茶匙。飯後和沸水少許服下。片劑。每日三次。每服一二片。飯後服。兼有便秘者。加倍用之。(六)阿那雖信。(本品爲局部麻藥。外用治瘡科傷科之疼痛。內服能止肝胃痛。或單用。或與別藥混用。均有效。上海謙信洋行經售)○。二五。照上量與以十包。一日三次。每服一包。飯前服。(七)阿那雖信。三。○。次硝酸鉍。二。○。亞拉

伯樹膠一〇・〇純糖漿一三五・〇右混和爲飲子。每服前先振搖使勻。然後服一大食匙。每日三次（八）無敵牌開胃藥（此爲最近新藥。係天虛我生所監製。功能治胃經各病。尤能止肝胃氣痛。故亦名肝胃氣痛藥。上海家庭工

業社發行）取此藥兩匕調水服下。立能止痛。十五分鐘後再服兩匕。即可安舒如常。
▲附錄中國醫方（一）金鈴子散。金鈴子、元胡索、各等分。研末。以清酒調服三錢。（二）丹參飲。丹參一兩。檀香、砂仁各一錢。煎服。婦人更效。

（三）草果、元胡索、五靈脂、沒藥、各五錢。爲末。每服三錢。酒調下。（四）大蒜頭（醋泡過二三年者）每食數枚。立刻止痛。或用生蒜頭煮食亦可。

白袖警察

倫敦繁盛街道上指揮街車行動的警察。都在深色的制服上帶上兩個雪白的袖套。那麼無論怎麼的擁擠。那兩個白色袖套。一定能引起街車者的注意。



對影戲界的小貢獻

心冷

在萌芽初出時的中國影戲。我們抱着很大的希望。願它能有顯著的進步。雖然我們大部分依舊是難免於失望。可是究竟還有幾家却是已經有了些成績了。只要他們能將影戲當一件對社會負有一部分責任的事業幹去。那麼至少在一兩年中間。一定可以有比較現在可觀的成績了。

我覺得譚論到影戲的問題。不像看影戲那樣的容易。所以不去籠統講。單就攝影取景方面。貢獻一些意見。

目下中國影戲採景方面。大半都偏于江浙兩省。尤其是西湖。普陀。差不多每張片子裏總要插入這麼幾幕。以為外景方面如果有了這名湖點綴。便能生色不少。不過物以稀為貴。偶而看看。覺得果然清雅宜人。如果家家都是這樣。那麼還有什麼意味。

研究影戲的人。雖然明白室內的佈置是和劇人的身分個性有關係的。可是外景對劇情上的調劑。却注意到的極少。這是一件很以為遺憾的事。雖然有幾張片子裏。常在劇情變幻的時候。加上幾張風雲變幻的鏡頭。可是你這麼做我也這麼做。終久雷同得減少了趣味。這便是吃了只會模倣不會創造的虧。



圖中為日本大東影戲社「幻之帆船」之一幕。此劇寫中國盜賊之行。為飾海盜者為冬鄉。飾女子者為瀨川鶴子。此種影片是否影響于我國國民之體面。願努力于中國影戲事業者一深思之。

山色湖光，是表現自然的柔美。這種外景用在帶有旖旎纏綿的劇情中。那麼自然能引起觀眾的美感。如果在那柔美的外景中表現陰險的行動或是激烈的戰鬥。豈不是牛頭不對馬嘴嗎。

所以我覺得中國影戲界須得換換眼光。對於採取外景方面。應該換點兒新鮮花樣。我可以稍微舉幾點例子。給影戲界做個參考。

(A)在現在中國影戲中的房屋。因為製片地點的關係。大半都是攝取洋式的居多。在這點我總覺得很不滿意。因為我們中國的建築。確有一種獨立的藝術的可能。所以在萬國展覽會中。對於中國部分的建築。總是仿照中國宮殿式蓋造的。因此我覺得中國影片中。無論如何總該將偉大的雄渾的中國式建築。點綴在裏面。像北京的宮殿和許多建築大可以攝取在片子裏。表現出中華民國偉大的精神。

(B)中國的萬里長城是世界偉大工程之一。我們在四五十張中國影片裏。還不曾聽見有人攝過。此外像揚子江上游的水勢湍急。四川山中的棧道。以及泰山之雄偉。廬山的含渾。關外的廣漠。不但是可以襯託劇情。而且可以表現在中國國家的特性。

(C)我們在外國影戲中。常可以找得一個最容易識別的標記。像船到美國時。遠遠地可以聽見那自由女神。到法國時。可以聽見那高聳雲霄的鐵塔。所以只要在片中一聽見自由女神或鐵塔。便可以知道是那一個的地方。所以中國影戲界中也應該在中國的許多建築物中。找一種足以代表中國的。來做表現中國特點的記號。我希望我這種意見不等於白說。我更希望在最近的將來。能聽見有表現中國特點的影片出世。

所謂女明星者之特點

(冰)

- 奇怪的服裝
- 貴重的化粧品
- 親筆簽名的照片
- 活動的真操
- 蕩佚的神情



不是人吃的飯

詒蓀

風雨瀟瀟的秋夜。謝慧貞女士心裏盤算着。今天已是星期六。照例悟憚在學校裏課務完畢。星期六晚上必定回家。這時已是深夜十一時。還未到家。莫非從城裏雇小舟回鄉。途中遇着狂風急雨。耽誤了時間。或許竟

因為風大。停泊在半途。伊想到這裏。縐着雙眉。彷彿替伊的丈夫十分擔憂。但是窗外的雨聲。淅淅瀝瀝。依然下個不住。不由得歎了一口氣。『砰砰砰』接連幾聲敲門的聲音。伊執着一盞燈。匆匆忙忙走下樓。只



上圖為北京外交界交際明星唐寶潮將軍夫人容齡女士新粧之攝影。靜穆雍閒。儀態萬方。可作研究修飾者之借鏡也。

見老媽子飛也似的跑去開門。便聽得悟禪說話的聲音。慧貞站在廊下。連忙說『禪哥。怎麼這時纔到。』悟禪氣喘喘的應道『今天險些兒船也翻了。風真大啊。』說時已走到廳上。慧貞只見他穿的一件灰布夾袍。

被雨浸濕。直貫呢馬褂上。雨珠點點。淋漓不盡。兩人一先一後走上樓來。悟禪換去濕衣。便在藤榻上躺下。便說『教育飯真不是人吃的。整日忙個不了。好容易盼望到星期六。偏偏天公不做美。風狂雨驟。今天在舟中。』

幾乎急死了我。」慧貞倒了一杯熱茶來。遞給悟禪。便在他對面的椅上坐下。說道：『教育界出身的人。不吃教育飯。幹什麼呢？』悟禪歎了一口氣。說：『吃教育飯的人。真是和牛馬一樣。你沒有站在教壇上教過書。不知道教員生涯的苦況。我也不願對你說。反正我在中學校做教員。終非久計。忍耐幾個月。到了歲寒臘盡的時候。我定想另行設法。』說完站了起來。開了手提箱。從一個手絹包裹。取出一疊花花綠綠的鈔票。一五一十的數着。然後交給他的妻。并且說：『這個月八十元的薪金。除家用外。如果有賸餘。你可以添些衣服。』慧貞點點頭。說：『上月還有餘款哩。你說教育飯不是人吃的。其實教育飯雖清苦。究竟是心血換來的。總沒有絲毫慚愧。像隣家的趙伯伯。他有三個兒子。都在政界上瞎混。聽說在北京如何闊綽。他們家裏那一天不開窮。老實說我並不希望大富大貴。祇望你耐定性子。安分守着現在的地位。從前人說三十六行。行行出狀元。難道喫教育飯的都沒出息麼？』悟禪聽得伊嘮嘮叨叨一番話。反而好笑起來。喝了一口茶。因說：『得過且過。本來是樂觀的處世主義。不過我很不想做一個庸庸碌碌的人。』這時老媽子捧着一個木方盤。送上稀飯來。悟禪夫婦說說笑笑的共桌而食。悟禪把剛才經過的驚風駭浪。早已拋到九霄雲外。窗外的雨聲。雖然滴個不住。但在慧貞這時。耳朵裏也不像先前這般淒涼滋味了。

候。悟禪寒假回家。剛巧接到表親從北京來一封信。勸伊學校裏的教職。萬勿辭去。在家鄉就事。比聽鼓長安。實在好得多。語氣間就是勸他不必脫離教育界。但是北京的情形。悟禪何嘗明瞭。以為他的表親信上說的話。是勸人安守本分的老生常談呢。

這天正是元宵節。鄉間俗例。舉行燈會。悟禪悶居家中。專心專意想另謀他種生活。那有心緒出門看燈會。慧貞對他說：『自己要放寬胸襟。個人的理想過分高。幾番不如願。便抱悲觀。這又何必呢？』悟禪說：『我自有我的計劃。你不用管。』說時十分懊喪似的。坐在書桌前。左手撐着頭。指着壁間懸着的一張畢業照片說：『和我同畢業的三十八人。現在算我最不得意。昨天看見報上。陳緝夫做了道尹。林傑新任關監督。他們都不過到北京混上幾年。我呢。株守家園。轉瞬間竟有雲泥之別了。在現今的時代。息影家門。誰能登門請你不成？』慧貞答道：『這話倒很是那麼你想到北京去。總要所謀的差事有些把握。方纔北上……』話未說完。悟禪搶着道：『我自有主意。你不用假替我擔憂。』伊聽了這話。便不再提起北京去這件事。

一天的深夜。悟禪正在睡鄉。彷彿聽得有人敲門。擦一擦睡眼。喊醒老媽子。慧貞也從夢中驚醒。一忽兒老媽子跑上樓來。嘴裏說：『大少爺。忙起來看電報。』悟禪夫婦連忙起身。找着電報號碼的簿子。譯出電文。悟禪譯到「差事成速來京」六字。歡喜得拍掌。慧貞也笑容可掬。悟禪自言自語道：『林青萍真是我的好友。我請他謀事。日夜在心。前天寄來的快信。便答應我極力設法。居然未滿五日。電報來了。』說完格格的笑不住。口慧貞一手掠着頭髮。笑嘻嘻的說：『今天晚上。反正不能睡了。我想趁這時收拾收拾衣箱罷。』他倆整整忙了半夜。

這天已是悟禪動身北上的日期。慧貞心中不免有些戀戀不捨。一早起

身頭也不梳。臉也不洗。悄悄的。看着窗外。暗自傷神。悟禪醒來。揭開帳子。見伊這樣。心中轉覺難過。祇得安慰伊一番。大概說到了北京。如果得到優美的差事。定來同你出去。悟禪和他的妻並肩站着。但伊感着別離的滋味。眼圈紅紅的。再也說不出話。共桌進晚餐的時候。並不像從前有說有笑了。

午刻時分。脚夫挑着一擔行李。悟禪在後跟着。登小舟。向城裏進發。臨行時。站在船上。望一望家門。看一看慧貞。不盡依依之感。到了北京。便訪林青萍。好容易找着了。他的住所。青萍一番盛意。悟禪感激得五體投地。青萍在北京政界上算得一個活動的人。他介紹一二個人。就些小小的差事。算不了什麼一回事。向悟禪道：『現在汪雲老新任總長。前天他答應我聘老兄做部裏的顧問。老兄如願屈就。聘書便可送來。』悟禪笑一笑。答道：『好極好極。不過我從來沒有辦過政界上的事。貿然得着這樣的優差。真是感激不盡。但不知做部裏的顧問。有什麼許多職責。』青萍點着一枝雪茄。烟不住的吸着。聽他說出這話。便道：『顧問這個差事。名義雖隆。職務極泛。老兄初到北京。擔任這種差事。最妥當。』

過了幾日。聘悟禪為某某部顧問的聘書。居然送來了。半月間。青萍又替他介紹一個諮議職。悟禪整日在寓中。並沒有事做。京中朋友。你也請飯。我也請飯。交際往還。忙個不了。平時無須到衙門。祇須在報上留心。那一天發政費。便到衙門去領薪。就是了。原來什麼顧問。什麼諮議。不過等於一張空頭支票一樣。凡是一個新機關添設的時候。大家以為有錢。二二三等政客。個個盡其鑽營的能事。報上發表出來。委員名單。正隊一張秀才榜。其實呢。都是空名銜。一個錢也沒有。這般大老。既把顧問諮議的名銜。任意送人。於是無論是貓是狗。不怕死後計文上沒有榮銜了。悟禪的顧問職。當然要算超等的位置。因為青萍是汪雲老第一親信人。所以悟禪不必每日做工作。每到月終。便可去領薪。這種安逸的生涯。難道是做中學教員時所夢想得到的麼。悟禪得着這樣的際遇。不久也就受了政客化。交際場中。常有他的踪跡。每月二百元的薪金。有時還弄得入不敷出。

按月的家用費。每因自己多請幾次宴會。不便能寄去。在昏昏沈沈的北京城中。生活程度比悟禪家鄉高過幾倍。但是悟禪想從此混了幾年。定有無窮的希望。在後日呢。所以決計把慧貞也接到北京來。以踐臨別時的約言。這時的悟禪。儼然也算北京政界中的人物了。慧貞到北京後。悟禪的朋友們。打聽得陸太太到京了。連日有人請他夫婦兩人喫飯。慧貞也十分得意。以為北京究竟是要到的。像這樣的安逸生活。難道是過慣鄉村生活的人。所夢想得到的麼。不到兩個月。政府為獎勵賢才起見。發了大批勳章。陸悟禪鑽營的結果。居然也得着一個倒數一二等的景雲章。於是這個勳位。便成為陸悟禪終身的榮銜了。

陸悟禪本來是國中某著名大學的畢業生。文筆很健。將近中秋的時候。時局頗有不穩的消息。悟禪做了一篇洋洋千言的時論。在某大報上登載出來。文中對於政府大人的幫忙。力關時局不穩的謬論。政界上大家本來不知道陸悟禪這人。讀了他這篇時論。有的很佩服他的文才。有的很鄙視他替政府做軍樂隊。但陸悟禪因此居然大大的出名了。時光如白駒過隙。一般的飛跑。忽忽過了一年。時局變化。悟禪所依靠的是舊友林青萍。林青萍所依靠的是汪雲老。不幸汪雲老下台了。林青萍陸悟禪跟着辭職。在北京政界裏。無論那個闊老。總有幾個機要的心腹。闊老得勢或失勢。手下的蝦兵蟹將。常是隨着進退的。何況陸悟禪和汪雲老。本來是間接而間接的關係。更沒有人照顧了。

這天報上登載大批命令。各部署人員完全撤換。真所謂一朝天子一朝臣。悟禪見了這天報上的新聞。兩三處差事。同時失掉。心中萬分懊惱。垂頭喪氣。坐在家裏。慧貞見了這樣。當初還說許多達觀話安慰他。悟禪那能釋然。向伊道：『幹政界的事。實在是末策。』慧貞聽了這話。不覺詫異道：『禪哥。你當初在中學教書。雨夜回家。不是說教育飯不是人吃的麼。時隔兩年。你現在又說這話了。』這時悟禪低頭不語。過了一會。抬起頭來。把手拍拍慧貞的肩道：『回想起來。當年教書生涯。倒是無憂無慮。真有唐虞三代之觀了。我們還回家去操老本行罷。』

五天的工廠生活



(一)

床邊桌上那個鬧鐘。長針剛指在六點鐘。上面那兩個鈴兒。陡地作怪起來。叮鈴鈴的響個不歇。我很安適的熟睡着。竟被那鐘聲鬧醒了。我揭開

上裝爲灰色維也納。兩袖及領用黑色絨繩織成。
裙料用玄色。

上海新粧

裝之秋深



華綴綴小朵白花。足御白皮鞋。爲秋日適宜之新粧。

文農

冷心

帳來向那鬧鐘瞧了一瞧。便坐起半身。兩個睡眼只望着被面出神。這時我的母親推進門來。見我已經醒了。坐在床上。神情很倦懶的。分明沒有睡足。便道：「湘兒。還早咧。現在還不過五點四十分鐘咧。這鐘你昨夜不是開快二十分鐘的嗎。你再睡一會吧。七點鐘打過起床也不見得會得遲到趕不上啊。停會我來喚你好了。」本來我昨夜雖然十時便上床就

寢。不知怎的。翻來覆去祇是睡不着。心裏不知轉什麼念頭。那睡魔被我的凌亂的思潮所驅逐。也不敢來催眠我。直到二點鐘光景。才迷迷糊糊的入睡呢。這時兩眼只覺得酸溜溜的。渾身沒有氣力。實在也想再睡一會。我聽得母親那麼說。早就微微的點了點頭。說了聲「噢」。鑽進被窩裏了。誰知睡在被裏。將閉上眼。便想着「今天第一天。還是早些去吧」。於是又強自振作精神起了身。我母親見了又道：「叫你再睡一會。爲什麼又起來了。停一會到了廠裏。打起瞌睡來。給同事們看見了。那不是笑話麼。」我一壁穿着衣服。一壁笑着說：「再睡可睡不着了。還是早起些來吧。」

我吃了早飯。便出門。那時街上靜悄悄的。行人稀少得很。店舖子也沒有開齊。本地的晨景我還是第一天領略呢。心裏也覺得有些異樣的感覺。跑到了火車站。等候好久。經過銅人碼頭的電車纔來。我跳上電車。只見車中連賣票的祇有五個人。那幾個搭客。臉上同樣的呈露出一種疲乏的神情。嘴裏都啣着紙烟狂吸着。諒必他們昨天到今朝還沒有睡過。那賣票的。坐在車角裏。閉着眼低着頭。鼻管裏微微可以聽得有些鼾聲。一會兒又抬起頭向四處亂瞧。瞧罷又呼欠起來。伸了個懶腰。又閉上兩

S.
K.

眼。我看見了也被化了兩眼也有些睡意。嘴張得很大的也呼欠起來。我連慌拿了根紙烟吸着。提提神。轉瞬間。電車已停在我目的地了。我便下了車。慢慢的走向浮碼頭上去。

我立在浮碼頭上。水面上的風一陣陣打我臉上吹來。神經倒清醒爽快了些。浦面上三五個舢舨船蕩漾着。強烈的晨曦照着被槳撥動的水浪。望去閃閃燦燦的作金黃色之光。那時却有許多從浦東來的趕早市的人。那兩邊的小工們的杭育聲。更是嘈雜。我立了許久。不見公司裏的小火輪駛來。有些不耐煩了。便走上碼頭。閑步了一會。又走到浮橋鐵欄干邊靠着。望望浦中的船隻往來着。聽着水衝着浮碼頭的澎湃聲。心裏只覺得有種興趣。正出神時。陡覺有人在我左肩上拍了一下。我不禁嚇了一跳。慌回頭瞧去。原來是小時的同學程伯康。只見程伯康含笑說道：「湘兄。你一清早立在這裏幹什麼呀？」我握住了伯康的手說：「啊。想不到在這裏竟會遇見幾年不見的老同學。」伯康說：「當真。做夢也想不到啊。你好像有些驚慌的樣子。」我說：「怎麼不是呢。你不聲不响的在我身後打我。怎不叫人吃驚？」伯康慌道：「對不住。恕我鹵莽。」我問：「你上那兒去？」伯康笑了一聲說：「我却要先請問你。你一清早立在這裏作些什麼。可是來賞鑑浦江的晨景嗎？」我微微的笑着說：「那裏有這麼興緻。我要到浦東去。」伯康問：「作什麼。浦東那裏？」我說：「C廠。」伯康詫異起來。問道：「哦。湘兄。你難道也到C廠裏去辦事不成。幾時進去的。怎麼往常一次也沒有遇見你啊？」我道：「難不成你也在C廠裏辦事嗎？」伯康聽說點點頭。我說：「巧極了。巧極了。我今天才第一天咧。」伯康道：「怪不得。我說怎麼會得以前一次不曾遇見你。進那一部份辦事。你可知道麼？」我說：「聽說錫包間。你在C廠有多久了。在那一部裏。」

「伯康道：『今年才進廠的。我也在錫包間裏。你如果當真到我們那裏來。再好也沒有了。』說時拿了根紙烟給我。他也拿了根擦着火柴吸着。靜默了一會。我便問他：『怎麼小火輪還不來。』伯康聽說。擎起左臂。瞧了瞧腕表說：『早咧。第一班的還要歇十二分鐘纔得來哩。你大概來得很早。等了長遠了吧。』我聽說兩頰覺得稍微有些熱烘烘的。很不自然的向他點了點頭。伯康又說：『我們不妨就在那石階上坐一歇。你腳也立得夠酸了吧。』他一壁說着。一壁手拉着我走到銅像下的石階邊。將袋裏的手帕拂了拂階石上的塵灰。便叫我坐。他自己也坐下。

那時候。預備到對岸去的人。絡繹來了。也不少了。也有和伯康認識的。伯康便和他們一個個招呼着。一會。我便問他C廠裏的情形。他却不告訴我。我只微笑着說：『你到了那邊。我猜一定不會不願意長時間的做下去。』我道：『爲什麼緣故呢。』伯康笑着說：『呵。我祇得攏統的說一句。在那裏很有趣罷了。』我道：『左右現在閒着。你不妨仔仔細細的分割解說給我聽啊。』伯康搖搖頭說：『一時能怎說得了那許多。橫豎日後有趣的事也會臨到你身上。自然會明白。我現在正可以不必嚕嚕。』說畢。剛巧來了一個他的朋友。他便立起來和他朋友閒譚起來。我納悶得很。一會。見他獨自在那邊踱着。便過去追問他。可是他又說什麼：『船快來了。到廠裏再譚吧。其實你到那裏混了幾時。也會得曉得的。』

(二)

小火輪漸漸的駛近這邊來了。立在碼頭上的人。個個都伸長脖子望着。錫包間裏。人聲和工作聲。喧雜得什麼似的。我在錫包間裏來回的巡視着。看見了那些女工們。心裏好生納罕。緣來那些年紀稍微大些的女工。大都頭髮蓬鬆。臉龐污垢。大約還未曾洗過臉。穿的衣服也不整潔。低

頭很起勁的在那裏工作着。有的還領着一個小孩子。一面工作一面照顧伊的孩子呢。那些年輕的女工們呢。恰巧成一個反比例。個個差不多都打扮得竟不像是個作工的。頭髮梳得烏黑油光。臉上雪花粉搽了不知多少。嘴裏有的和別的說說俏皮話。有的哼着「正月裏來是新春。」

……「想起從前真傷心。」……的北腔南調來。手裏的工作簡直不當一回事。我遇着伯康。便說起伊們。「伊們真古怪。到這裏來做工。要打扮得這麼漂亮作甚麼。」伯康笑了一聲說。「聰明的你。會得不曉得伊們的作用麼。還用我說麼。」我很奇怪。說道。「你說得很蹊蹺。做一天工拿一天錢。難道伊們打扮得如此。會得多得着些代價不成笑話笑話。」伯康笑道。「呵。你別假裝山東人。一懂也不懂啊。」我說。「確實不明白。」伯康說。「你明白也好。不明白也好。我却不願意和你說明原由。多費唇舌。」說畢笑了笑想走。我便攔住了他說。「你賣祕訣嗎。」他愣了一愣。纔眉說。「老實和你說吧。我不願意和你說明原由是假的。實在我也不明其所以然。有機會再研究吧。」但是我看他的神氣。實在恐怕我明白那回事般的。我於是也不再問下去。

這時只聽得東面有重濁的呼斥聲。說的是。「爲什麼不睡足了再來。這裏豈是你打瞌睡的所在。你懂得規矩麼。」

一個三十多歲的女工。黃菜色的臉兒。一些血色也沒有。乾枯的頭髮蓬鬆得很。好像幾天不會梳理。兩眼深凹着。眼圈邊有陣黑色。神情甚是顛。頓伊工作時。兩眼覺得昏黯。頭也覺得有些昏暈。忍了許久。才閉上眼想養回神。恰巧那時那位姓周的監工員走過。見伊閉着眼低着頭。似乎打瞌睡。便嘲罵起來。當我走過去的時候。伊一聲也不敢响。低了頭依舊在那裏做伊的生活。那姓周的却還扳起了臉咒罵着說。「偷懶也不是這

般偷法啊。瞌睡鬼你不怕。扣罰你的工錢麼。可惡真可惡。」那婦女苦着脸道。「周先生。原諒原諒我吧。」伊的聲音很艱澀而且顫抖。大概是怕他報告扣工錢吧。這時伊隔座坐着那老太婆手指指伊道。「周先生。毛家嫂嫂真可憐啊。伊已經有好幾天沒有睡過個整夜了。伊丈夫這兩天病害得很利害。爲着要服侍他。你老人家做做好事原諒原諒伊吧。」周先生道。「那末好不要來做工的啊。既然來了要打瞌睡。犯規。不好在家裏享享福。睡個適意麼。」那位老太婆却會說話。那時伊聽說滿臉堆着笑容說道。「周先生。你老不要動氣。怪我老太婆多嘴。你話說得好風涼。伊丈夫病在床上。七十多歲的婆婆。兩個還沒有賺錢能力的小孩子。全靠伊十個手指去做來。勉強混個肚子。伊假使不來做工。不但伊祇好褲帶束緊緊挨餓。一家四五口。也祇好去喝西北風了。可是現在初秋時連到西北風還沒得喝呢。呵呵。」那老太婆癢了一張嘴。頭髮灰白。滿臉打縐。說時且笑且做着手勢。態度很是滑稽。叫人看了忍俊不禁呢。那周先生好像被那位老太婆說得不好意思起來。微有怒意。說道。「老太婆癢了一張嘴。倒會得嚙哩嚙嚙啊。快做你的事。」那位老太婆旁邊坐着一個二十歲光景的姑娘。這時笑吟吟的插嘴道。「周先生。算了吧。看我的臉上。」周先生和伊做了個鬼臉。說。「你又來了。要你軋進來做什麼。」那個姑娘瞧了他一眼道。「好了。媽媽虎虎吧。」周先生說。「那末我看你的臉上。」說畢對伊笑了笑。慢慢地踱了開去。那位老太婆笑着對那姑娘說。「呵。究竟你的臉兒比我癢嘴老太婆來得……」那姑娘推了伊一推。搶着說。「你又來打趣我了嗎。」那老太婆道。「自家有數我不說便不說。」那姑娘道。「什麼自家有數你老太婆不要瞎三話四。」說時又打伊一下。那老太婆說。「哎哎……新來的先生在那面。別動手動

脚。」說時對我望了一望。那姑娘聽說果然不再動手了。伊兩個伶俐的眼睛不住的向我打量。又掩着嘴對我笑將起來。我倒被伊笑得有些不好意思起來。暗想或者是伊譏笑我呆立在那裏瞧着伊們。不知自身的職務是走來走去監視伊們的吧。我懷疑着便向他處走去。

我看得很分明。那距離雖則很遠。那邊兩個女工在那裏廝玩。周先生剛走過那處。我暗地替那兩個女工擔憂。心想也是伊們倒霉。早不頑皮。遲不頑皮。偏偏在周先生走過時頑皮起來。不怕那鐵臉的周先生嗎。不怕他斥責嗎。奇怪。想不到周先生不特不兇狠狠的斥責伊們。而且嬉皮笑臉也和伊們廝玩呢。只見得周先生含着笑和一個女工不知在那裏說些什麼。一手又拍拍另一個女工的肩和臂。一會那一個女工似嗔非嗔的嘴裏咕囔着。立起身來手向周先生身上便是一下。那周先生便且笑且飛也似的跑開了。看伊的神氣。好似周先生說的話犯了伊般的。我腦筋真簡單。那手那「周先生和伊這樣的廝玩不妨碍伊的工作麼。同樣的歇了手不工作。怎麼一個却不受呵斥呢。」的疑問總不能想到一個解答。

我遇着了伯康。便又問起這事。生怕他又不肯和我直說。所以又說。「伯康兄。你是我的老友。我剛到這裏。情形自然不熟悉。隔閡得很。你也應該指導我才是。請你不要含糊答。我的所問。」伯康聽了笑將起來。說道。「這事極平凡。沒有研究的價值。你不必尋根究底的問我。你固然是少見多怪。我并不是愛含糊回答你。實在你明白了底蘊。便有了成見。有成見的眼光觀察他們。反不如沒成見的眼光觀察他們種種的現狀來得有趣。好在以後見慣了。便會明瞭。何況你又是聰明人。他說了許多話。仍舊是空空洞洞的思想。他既說我是個聰明人。他又不肯直截痛快的告訴

我個究竟。再問他也是無效的。落得做個聰明人。便不再問。且笑說。「你不肯告訴我。我却早就知道了。」說罷強笑了一聲。他向左右望了一望。見沒有人便道。「你不應該啊。假癡假呆的問我了。便不該再說。」我却早就知道。假使被他們聽得。這樣的反問。定說你兜圈子說他們不該應那般。不是要招怨了麼。」他說時神氣很高興。我聽了他的話。心裏益發納罕。可是一半却暗笑他受我的欺。當真當我是個聰明人。

(待續)


大運動會節目

- (一) 開謠
- (二) 調防
- (三) 開釐
- (四) 派兵
- (五) 拉夫
- (六) 索款
- (七) 決賽
- (八) 慶賀(甲組)
- (九) 下野(乙組)
- (十) 善後

(冷)

前期勘誤表

題目	頁數	行數	誤	正
時局變化之趨勢	二上	五行	去張	主張
浙江將淪于永劫	二下	三行	浙藉	浙籍
節操	二下	十行	轉旋	幹旋
東南風雲與全國大局	五下	廿行	不於人羣	不齒於人羣
	五下	十行	甚囂塵	甚囂塵上
	五上	十五行	許畫	計畫
	一〇下	七行	笑駕	笑罵
	一一上	六行	啓畔	啓畔
	一二上	十行	白寶日	白寶山
	一二上	十九行	抱澤	袍澤
銀幕之光	六行	因他	是他	



萍鄉 協成煤鑛股份有限公司招

股廣告

同人等深信開發地產爲振興工業涵養國力之要着爰訂約承受濟安鑛業團民國七年以來探鑛經營坐落江西萍鄉縣西鄉之五胡兩毗連鑛區開採煙煤柴煤并煉焦炭運售長沙及武漢三鎮特組織股份有限公司招優先股三十萬元暫分爲一萬五千股每股二十元先收四分之一以爲設輕便小軌道利便運輸之用一俟營業就緒再行徵股擴充業由同人認足半額公募半額即七千五百股願附股者請於十月三十一日以前至次開各處滙納再本公司緣起章程調查報告開辦計劃以及收支豫算等曾經印訂專冊寄存各處請向其索閱或逕向本公司籌備處函索即寄籌備處

漢口後花樓對過鼎安里六號 電話六六三六 籌備主任 何照

曾代收滙股款處 漢口 黃陂商業銀行 上海黃陂商業銀行 北京 金城銀行 天津 金城銀行

發起人(八月以後加入者不及備載) 王求定 王毅靈 丁瑞霖 汪少舫 王子雲 王德藩 大元莊 汪涵秋

陳圓白 劉雅扶 劉準業 涂拔臣 陸共梁 許健骨 陳雪濤 賀庸僕 皮倦公 李隱塵 吳鶴宸 黃心泉

李漢屏 梁上椿 喻子和 朱熙時 謝堅 同啓 魏子肫 周坦生 曾魯光 蔡熙 何熙竹